

山西通志

册二十七

山西通志卷第一百七十七

山西巡撫都察院右副都御史 申覺羅石麟奉

旨修輯

寺觀三

朔平府

右玉縣

寶寧寺在城鼓樓東

接引寺在城倉街

十王寺在城官亭街

白衣寺在城糧府署內有金王庭筠石刻

廣善寺在城守備署東

清真寺在城官亭街

山西通志 卷一百七十一 寺觀
海藏寺在城東學巷

慈恩寺在城東南隅東

三教寺在城東門內

護國寺在城南關西

顯明寺在縣南三十里大南山元魏時建明成化間僧淨廣
實悟隆募修正德間僧德明增修立碑蔣廷梁記寺肇自漢
孝文曾駐兵于此因墓于山遂建寺名曰顯明供佛命僧
焚修舊碑存焉後人指碑為孝文陵碑字多磨滅殘缺其
可辨者有三寶顯明又有年四月十日上為孝文皇帝文
明又有七十里又有敦山頂造諸字

按魏孝文都平城去山不遠百七十里當指此其云上
為孝文云者當是述建寺之顛末非陵墓碑也其二云文

顯明者當是文明馮太后也至漢孝文灞陵載史記漢書

輿圖西漢無佛寺髻稚知之無庸辨

朝陽菴在城守備署內

觀音閣在城東南隅

藥師殿在城西北隅

天尊觀在城東南隅

老君觀在城西門內

玉皇閣二一在城北二十里殺虎口東混元峯倚山傍岩樓

臺層疊磴道盤空登高遐眺塞外胥在望中一在東南四

十五里牛心山

元帝閣在混元峯

崇朔州

山西通志 卷一百一十一 寺觀
崇福寺在城東門內唐高宗麟德二年契丹國建爲林太師
示府遼統和間其地靈光屢見居人不安捨爲僧居未有名
號人以林衙院目之金天德二年賜今額明崇禎四年知
州翁應祥額曰林衙古刹

唐麟德二年朔州未屬契丹遼亦無林太師按遼林牙
院掌文翰之事有北面都林牙北面林牙承旨北面林
牙左林牙右林牙如大石林牙是也林牙院當繇此誤
藥明書耳

廣福寺在城北門內金時建

龍泉寺在南門甘泉井前

興國寺在南關

護國寺在南關明崇禎十一年建

清平寺在古城西北唐初建遺址微存

雙化寺在州西三十里雙化嶺嶺下有古寺世傳二僧共化
於此

寶峯寺在州西四十里寶峯山明嘉靖間山傾現石佛二一
耄一稚神工具足其光如玉其響如金居民因建寺於山
玉泉觀在城東北三十里

馬邑縣

崇恩寺在縣東僧會司在焉

寰州寺在縣南二里恢河南岸久廢所謂古寰落照也

龍泉寺一名水圍寺在縣西北十里司馬泊金龍池之西北
舊扁水月如來四圍皆水中構蘭若曲榭迴廊雅號勝地
金元好問有詩今廢

棲雲寺在縣南四十里雁門關東元時建卽神婆古寺

增福寺在洪濠頭村西南

白衣菴在倉街

玉泉觀在縣西北十里元時建明永樂年修

左雲縣

圓覺寺在城東南隅

千佛寺在城大南街

清吉寺在城西北隅

極樂寺在城西南隅

楞嚴寺在城東坡

鵬窠寺在縣西南七十里大峪上昔有鵬窠今尚存故名

石窟十寺在縣東九十里武周山雲岡堡後魏建始神瑞終

正光歷百年而工始竣其寺一同升二靈光三鎮國四護

國五崇福六童子七能仁八華嚴九天宮十兜率孝文帝

亟遊幸焉內有元時石佛二十龕壁立千仞面面如來其

它石窰千孔佛像萬尊

國朝順治八年總督佟養量重修康熙三十五年十二月十

一日

聖祖仁皇帝西征幸寺中

御書莊嚴法象匾額

洛陽伽藍記京南關口有石窟寺乃緣武周山石窟寺

人而制名也

大士菴在城東北隅

圓通菴在城東北

山西通志 卷一百七十一 寺觀

海潮菴在城西北隅
白衣觀音殿在縣東六十里焦山上寶塔高聳中有空洞穿
入下流河水隔岸宛肖圖畫

三清觀在城東坡

玉虛宮在縣城內內有古榆根無緣着生大鐵爐上所謂火
鼎神榆也又名鼎榆宮

平魯縣

千佛洞寺在城內北固山相傳龍破壁飛去白石半片鱗甲
宛然

彌陀寺在縣南關

龍泉寺在縣東北二十里龍泉山兩峯壁立上有古刹明成
化間僧本通重修僧志敷撰記今廢止碑存

天門山寺在縣南四十里井坪城北天門山行旅多遊憩焉

觀音閣在城西門內

觀音堂在城北固山上

藥師殿在南關

觀音塔在縣東北二十里碧峯山上有三層洞七級八角高
八丈盤磴而上可望百上奉觀音金像下豎古碑二胥

磨滅明成化間高僧進圮修

寧武府

寧武縣

禪房寺在縣東北二十里禪房山

回春寺在縣西百里回春峪

朝元閣在管涔山朝元峯元好問詩天池一雨洗氛埃全晉

瞻堂堂四望開不上朝元峯北頂真成不到此山來
中山寺在寧化北天池水繇寺旁出合龍眼泉支鍋石汾河
偏關縣

鐵佛寺在城內世傳唐開元時有自來鐵佛一尊至羅漢坪
而止土人請建寺祀焉

隆岡寺在城東南隅

龍泉寺在城北里許

九龍寺在縣西北四里唐尉遲敬德監修今遺址及碑存

石廟寺在老營堡明築邊垣起石廟止石梯

白衣殿在西郊外

園對菴在老營堡明嘉靖間釋月空建貯大藏經

神池縣

海藏寺在縣北

龍泉寺在縣西

鎮邊寺在縣北六十里利民堡

興華寺在縣北六十里八角堡明萬曆二十二年建

西菴在縣西北明成化二十二年建

利民觀在利民堡

五寨縣

經堂寺在縣北百里五砦南元至元間建

華嚴寺在蘆芽山明萬曆年重修上有率法臺捨身崖琳宮

虧雲蔽日鍊塢插漢摩空千里朝謁四方檀施寺雖亞於

清涼而山實勝於五臺矣明崇禎初寇燬宋潘闓有詩

紫峯寺在蘆芽山

秀峯寺在蘆芽山

清漣寺在東南六十里清漣河側石畔有佛足肉紋胥見相傳佛沐浴于此

小天澗寺在蘆芽山

乾元寺在蘆芽山明釋奇山棲此徒月空嗣法大振宗風寺遂為三晉西北名刹

金佛堂在蘆芽山

太子殿在蘆芽山

西照菴在乾元寺左明嘉靖間釋月空建貯大藏經

澤州府

鳳臺縣

廣教寺在城中和坊宋建明一統志金大定間建

普陀寺在城淳化坊明建

高台寺在城北福星坊明建

勝因寺在城南關宋建

寶山寺在城西五里唐建

碧落寺在城北十五里碧落山唐建復嶺層松有石佛谷唐

皇甫曙金李俊民有詩

白馬寺在城北十五里司馬山明建

青蓮寺在城東南三十五里峽石山北齊建宋名福嚴削壁

外環松丹水湍奔金李俊民有詩寺西有擲筆臺高數丈頂

因平相傳慧遠禪師注涅盤經成擲筆云若合禪理筆當駐

空已而果然明一統志書遠公州志書北周僧慧遠疑誤

香爐寺在城南三十里香爐山元建天祐十四年裴斐書云

山西通志 卷一百一十一 寺觀
乾明寺在城西北三十里可寒山唐天祐十四年建裴騫云
唐末避兵地後興造以報佛恩

國朝康熙間重修陳廷敬有募緣疏并詩詩合韻

松林寺在縣西南三十五里松嶺山西晉懷柔臺高樓文獻

元泉寺在城北五十里唐建刻石山北

普照寺在縣南六十里月院山金建

國朝陳廷敬有詩員官籍

崇壽寺在城北郟村後魏建山書

資聖寺在城北大陽鎮北齊建

顯慶寺在城東金村後趙建

靈巖寺在城西南松嶺山一名松林寺隋建明釋法亮於南

都造藏經六千四百卷六百四函建塔藏之劉龍有塔記

聖樂寺在城西洞陽山唐建

廣福寺在城西周村鎮唐建

普覺寺在城北四義村唐建

景德寺在城東南都鎮唐建

大乘寺在城北板橋村元建

香烟寺在城南上元社元建

壽勝寺在城東張莊村元建

淨影寺在城東南九十里蟠龍山後周建

開元寺後唐天祐十一年七月十三日李嗣昭勝梁於上黨

示範銅爲鐘凡四各萬餘觔開元寺其一也鑄有銘記今移

元妙觀

國朝陳廷敬有詩

山西通志 卷一百一十一 寺觀
石佛閣唐陳子昂詩覽勝詩千首登高酒一壺此情誰管領
分付石浮圖

元妙觀在城安遠坊宋建內有開元銅鐘後唐李嗣昭鑄

集真觀在城西河村金建

迎祥觀在城西周村鎮金建

玉虛觀在城東北李村金建

洞陽觀在城西馬平村金建

太平觀在城西辛北村元建

修真觀在縣西上町社二張仙翁一名崇真一名道温同結

普茆于此後坐蛻痊之同穴

玉華觀在城西韋町村元建

會真觀二一在城東水北村一在郃村

樂真觀在縣北三十里水北村舊名韓營金末屯駐鄉兵元

廢爲觀改今名

太和宮在城福星坊明建

神霄宮在城南上碾村明建

靜樂宮在城東南金村明建

高平縣

崇果寺在大成街舊名隆教宋太平興國二年勅賜今名元

吉至元六年修明洪武間重修置僧會司

崇壽寺在鐘樓巷

金峯寺在縣西郭外金峯山一名靈巖

七佛寺在縣東五里七佛山有石佛七唐時鑿像甚奇古

開化寺在縣東二十五里舍利山內有五音洞後唐大愚禪

開師審音處今金峯有愚公塔心王表碑音賦對源大愚
石室寺在縣北三十里石室山伐石成龕列山作障奇古
國朝知縣范繩祖重修畢振姬嘗棲此有詩

龍泉寺在縣西北三十里石瑋有山棲記

吉祥寺在縣西南三十里山門第一松號奇絕

法雲寺在縣北韓王山

定林寺在縣東米山鎮畢振姬有詩

資聖寺在縣西南四十里周纂鎮

華嚴寺在縣西四十里

慈教院在縣南十里遊仙山宋李遊仙通敏讀書於此至金

時指示埋鐘聲聞數十里

仙姑菴在縣西四十里董峯山元時馬仙姑蛻此今菴有石

柳

石佛洞在縣東北三十五里龍王山洞前鑿石爲渠

瑞雲觀在縣西南隅舊在城東名白鶴觀唐開元二十七年

建後水沒徙今地更名瑞雲明洪武間置道會司

玉虛觀在縣西三里梁扈村

清真觀在縣東北四十里

陽城縣

開福寺在縣西化源坊北齊天保四年建晉天福四年重建

舊名文殊金大定中改名福嚴明洪武間改今額置僧會

司

保寧寺在福民坊土人名小寺明宣德間重修

鷲峯寺在縣東三里東坡

山西通志 卷一百一十一
福緣寺在西郭北

華嚴寺在城南郭一里一名十方院有華嚴洞址并石幢存
字胥漫滅

香巖寺在縣東南十里澤河旁舊名彌陀寺明成化間重修
崇禎間張翀記改今名

雲峯寺在縣東十里寺南懸溜融結小峯殊奇秀

雲堆寺在縣東二十里相傳呂仙至此知縣李棟記

金臺寺在縣南二十里東石臼村古有金臺精舍

龍泉寺在縣東三十里龍泉之側一名海會寺唐乾寧元年

建初名郭峪院蜀僧順懃增修後郡牧李抱真牋奏勅賜

額曰龍泉禪院寺東舊有塔以供舍利後唐釋洪密埋履

于此明嘉靖間白巷里人李思考復增十三級塔北更創

佛殿太宰張慎言建方丈元王惲明文翔鳳太極殿

國朝白孕謙田從典胥有詩

龍巖寺在縣北三十里白巖山一名白巖寺楊繼宗讀書其

中有虎異繼宗撰碑記東小石龕明釋祖湯誦經有白兔

聽經之異白所知作銘題龕曰白兔聽經處

開明寺在縣東北三十里隋開皇間建明正統間重修張

慎言有詩明大司農孫居相中丞孫鼎相冢宰張慎言大

學士劉鴻訓少時同肄業寺中

壽聖寺在縣西北四十里後唐時僧宗懃建天成二年舍利

放光宋初改爲泗州院真宗朝毀天下無額舍院寺亦毀

天禧間僧法澄法江重建治平四年縣令熊臯具狀申奏

勅賜聖院額下澤州翻錄勅黃降付本院有中書門下平

章事王曾牒文碑記明萬曆間僧惠海增建琉璃塔高十級

靈泉寺在縣西北四十里卧虎山麓東向顯豁直亘大川後唐時僧洪密建密早詣石霜契大旨唐明宗爲太尉駐軍高平密豫識之爲建禪院經樓齋堂一百餘間司空圖撰碑及踐位勅賜衣鉢蠲寺田租有明宗勅書碑寺前萬松亭金刺史楊廷秀有記

國朝康熙間田六善修寺宋提舉學士黃廉明張慎言胥有詩

福勝寺在縣西四十里壽聖寺北左卽淘峪河也雙山雙潭

號奇勝明隆慶間重修孫居相記

千峯寺在縣西南八十里盤亭山後唐明宗爲太尉時駐蹕於此踐位後勅建削壁千仞梵宇凌空釋洪密嘗坐定焉準提閣在縣東二里許鷲嶺北閣上爲清涼龕舊有風隧釋回岸棲此田六善撰記

太清觀在懷古坊舊爲元辰殿金大定五年勅賜今額十一年道士李洞雲建三清殿十三年建東西殿二十年建四聖閣高四百尺鑄鐘萬斤元縣尹延陵珍增葺已酉二月李俊民撰記明萬曆五年重修元宋雄飛有詩

長生觀在縣南十里淇汭村

靈泉觀在縣東二十里王村

太嶽觀在縣西二十里臺底村金孫中遠提點南都上清宮告歸請以太嶽廟改爲觀

山西通志 卷一百一十一

萬齡觀在縣西四十里白澗村
陽臺宮真誥王屋山仙之別天所謂陽臺李濂記唐司馬承
禎修真地也明皇御書廖陽殿三巨字東爲白雲道院白
雲承禎別號也白居易有自靈都抵陽臺上方望天壇詩
東北有洗參井晉天福間烟蘿子得異參食之上昇金忻
州王志常少時牧牛田間遇異人挈之一日至此居八日
乃歸遂度爲道士見元好問記

紫微宮在王屋山陽臺宮東北繇磻道中上山坂壘巘盤曲
仰視臺殿如在天上至門金書榜曰王屋山朝真門門內
爲天王殿榜曰天下第一洞天又上一層曰三清殿面對
華蓋山如几案又上一層曰通明殿祀昊天上帝殿內環
列朱龕貯明御賜道藏經有碑數十通胥宋金元時物方

丈爲松菊堂

天壇在王屋山絕頂爲仙靈朝會之所李濂記云由紫微宮
西上至憇息亭登一天門南天門觀軒轅黃帝御愛松憇
換衣亭中爲玉皇殿又上爲虛皇觀有軒轅廟真君祠乃
陟三級瑤臺瑤臺下多古今石刻夜宿上方院觀天燈遠
火如流星上下明滅杳無定跡北天門古松十數株環列
成行皆千百年物每歲諸元會日五更初輒聞仙鐘自遠
洞中發聲悠揚清婉可聽唐李白詩願隨夫子天壇上閒
與仙人掃落花元稹夜宿天壇石幢側詩萬里洞中朝玉
帝九光霞外宿天壇

陵川縣

崇安寺在城西北隅卧龍崗唐初名丈八佛寺宋太平興國

元年賜今額明洪武間置僧會司左有石勒墓相傳寺大殿下爲勒塚傍墓乃其疑塚元郝經詩都門長嘯氣憑陵瓜葛中原霸業興夜葬山間人不見至今猶有守墳僧

龍崗寺在縣西南二十里宋時建金大定間賜額

崇福寺在縣西南四十里何喬新有詩

寶應寺在縣西北四十里寶應山世傳秦始皇築塞處傍有

古洞世傳僧創寺時凡物取諸洞中工竣僧退入洞擁大

石閉口化焉

棲雲寺在縣東北四十里佛山絕頂

古賢寺在縣西南七十里宋時建金大定間賜額傍有九仙

臺

靈崑寺在縣東南八十里今廢

鯉池寺在縣東南百里

三聖塔在縣西南六十里金時勅建

太清觀在城內西街元大德二年建明洪武間置道會司

白水禪院在縣北二十五里

興福禪院在縣西南三十里中多古柏

鳳山道院在縣西南四十里附城鎮有宣聖神農諸殿

沁水縣

石樓寺在縣南二里石樓山所謂石樓精舍也王徽李瀚有

詩

碧峯寺在縣北三里碧峯山內有千佛閣寺東有靈泉一名

靈泉寺又有舍利塔是密公埋履處

國朝楊時化有靈泉寺謁舍利塔詩

山西通志 卷一百一十一
香崑寺在縣南二十五里鹿臺山一名鹿臺寺

車輞寺在縣東三十里車輞山

峯岳寺在縣東四十里

德勝寺在縣東九十里端氏鎮元魏時建熊翀有詩內有翠
閒堂王溱有詩明嘉靖間喬宇孟春李瀚賦詩劇飲其中

易名三老劉龍記

大雲寺在縣東九十里榼山元魏時建一名榼山寺唐景福
元年賜今額明成化十六年修殿前有白松三每至月出
綠蔭蕭森榼山夜月爲邑景之一楊繼宗有題榼山禪院
三松詩明嘉靖間喬宇李瀚孟春冒雪遊寺喬宇書三人
三名作大篆勒石常倫有書大雲寺壁詩
嵬山寺在縣東百里嵬山上有塔

白雲寺在熊耳山元魏時建

聖天寺在郎壁村晉時建

明行寺在端氏鎮唐時建

法隆寺在縣東關宋時建

興慈寺在端氏鎮一名鐵佛寺

福聖寺在蒲洪村金建

龍泉寺在保義村唐李質有詩

青蓮寺內有欵月臺

國朝王度詩云雙峯突兀三千丈孤月圓明萬里天人世紅
塵飛不到白雲深處老僧眠

萬松菴在碧峯山

靈岩洞在縣東九十里曲堤東崖之半下瞰沁流

山西北通志 卷一百一十一

葆和觀在潘莊村金建

靈虛觀在上閣村金建

玉虛觀在縣西關元建

元真觀在孔北村元建

玉清宮在郎壁村唐盧照鄰詩絕頂橫臨日孤峯半倚天徘徊拜真老萬里見風烟明張昌李瀚胥有詩

玉皇殿二一在城西玉嶺上嶺以殿名巒峙松翳踞邑上游

一在榼山東明嘉靖三十一年王璧建劉東星撰記

蒲州府

永濟縣

廣化寺在城東門外元泰定間建

開元寺在城東關薰風巷東內有唐侍中渾瑊丞相杜黃裳

像宋咸平四年壇長賜紫僧重宣塔楊億撰記明洪武初併廣慧普濟淨業善慶湖北五寺入焉

普救寺在城東五里舊名西永清院五代漢乾祐元年招討

使郭威督諸軍討河中李守貞周歲城未下院僧曰將軍

若發善心城必克矣威折箭為誓翼日城破不戮一人遂

改曰普救元釋月公慧印胥棲此明洪武初併廣化旌勲

藏海乾明四寺入焉呂柟王雲鳳有詩又按唐元稹會真

記則唐貞元中業有普救寺當互考

萬固寺在城東南十五里中條山兩崖截業萬檜蔚森唐大

中八年建初名建元後改今額明洪武間併白石讚嘆竹

溪雲蓋淨土五寺入焉至萬曆間釋福登重修宋程明道

先生詩白石萬固皆勝地主人為我攜壺觴臨溪坐石遍

山西通志 卷一百一十一
岩谷幽處往往聞絲簧內有爽心亭又有蕪東坡石刻詩
水自石根流出風從松頂飄來元王惲有詩
華嚴寺在城東十五里任楊村北

景福寺在城南二十里六管山

棲巖寺在城東二十五里中條山北周建德中建初名靈居
周末釋曇延遜隱山中弟子慧海從之隋仁壽初改今額
唐釋道傑亦棲此明洪武初併白塔寺入焉唐李端有遊
棲巖寺詩盧綸同薛存誠宿棲巖寺詩有云萬壑應孤磬
百花通一泉又有棲巖寺隋文帝瑪瑙盞歌曰天宮寶器
隋朝物鏤向金函比金骨又曰五雲如拳輕復濃昔曾喫
酒今藏龍規形環影相透徹亂雪繁花千萬重賈島送覺
興上人歸寺詩宋薛休金張瓚胥有詩元釋瑞峯精禪旨

王惲詩老矣瑞峯應健在護持長伴八龍間

白石寺在中條山晉佛圖澄自天竺來卓錫寺中號洗腸菩
薩又有瘞驢猫塚存寺前

竹溪寺唐時刹也地多竹

讚嘆寺在中條山明萬曆間釋福登棲此

護國寺在城北三十里黃龍鎮後併鐵佛西遊水月聖壽四
寺入焉

下方寺在城東南百里觀後村宋崇寧元年建後併禪院靈
延上方麻谷四寺入焉

大興國寺後周爲般若寺神尼劉智山宅也隋文帝誕日尼
忽至其所名爲那羅延曰兒不可處俗間遂割宅爲般若
寺躬自撫養及七歲告之曰佛法將滅神明已西神來有

山西通志 卷一百一十一
日後周滅三教尼隱楊氏戒行不改隋初重興佛法每以神尼爲言歿後卽葬寺中爲起金浮圖又命王邵作傳改般若寺爲大興國寺仍令天下舍利塔內各作神尼像仁壽寺隋釋道遜住此

蒲津寺唐薛能有夏日寺居詩曰一門兼鶴靜四院與僧鄰崇福寺唐盧綸有崇福寺看花詩

救生寺唐李端有救生寺望春寄暢當詩

鹿苑寺唐王摩詰舊宅明何景明遊鹿苑寺詩舊宅施爲寺

青山屬野僧千崖一微逕異代幾攀登

唐安寺在永樂城東北隅唐貞觀六年詔有司爲王珪營私

廟於寺側貞元八年修寺移廟於寺西

玉陽觀在城東

慶雲觀在城東二十里張華村元泰定元年建後併道靖祐

聖遠塵復真摩雲五觀入焉

棲霞觀唐天寶初爲通元先生張果勅建今城東五老峯有

張果洞

龍祥觀在城東南王庄里棲巖山下王謙建後併靈應觀冷

雲菴入焉

紫極宮唐溫庭筠有題河中紫極宮詩

寥陽宮在城西南元至元四年建其下院在城南十五里韓

陽鎮後併元都丹陽太虛廣孝棲雲五觀入焉內有呂仙

草書真蹟碑

永樂純陽宮在城南百二十里南張村洞賓故宅唐卽其地

爲呂公祠又爲觀元中統三年重建改爲宮後併法逸玉

山西通志 卷一百一十一
泉樓霞長春通元峽石六觀入焉元余闕陳孚有詩殿後
樹二數人合抱偃蓋輪囷傳爲洞仙所植

道靜院在中條山陽唐王顏中丞置顏爲虢州刺史捨官居
此寫真存焉李商隱詩紫府丹成化鶴羣青松手植變龍
文壺中別有仙家日嶺上猶多隱士雲觀內鄧天王殿前
松林暗翳道士侯道華啟師周悟仙剝去繁枝大中五年
五月二十一日昇仙於此詔賜名昇仙院咸通三年十月
高元摹刻石於芮之紫清觀芮道華降生地也

大明觀宋建隆六年正月芝草生觀內節度使陳思讓以聞
臨晉縣

西閣聖壽寺在縣西北五里唐裴寂墓側

桑泉寺在縣東北十五里亭東村南

霍村寺在縣東北二十里霍村漢霍光七世孫榮祖墓側

曇延寺在縣北二十里舂子村釋曇延墓前

壽聖寺在縣西北二十五里角盃村皇姑墓側

嶷山寺在縣東北三十里大嶷山

西原寺久廢金陳賡詩當年雲構倚天開一夕烟塵化劫灰
藥師院在縣東北隅甘泉坊唐天寶中建元至元間修併廣
聖慈氏入焉明洪武間置僧會司

通真觀在城內東南隅元泰定間重建金大定二十一年四
月十四日邑人作千道會羽士雲集一人方巾敝袍書一
卷絕殿壁而去曰余向金臺謁帝回首陽鄉國暫歸來羣迷
不識吾家趣何日重尋閨苑媒末題岩客隨摹書刻石後
崆山陰府移置蒲之寥陽宮

岱嶽觀在東郭門內
聚雲觀在縣東南壽貴村
奉仙宮在縣東南二十里北觀底村

虞鄉縣

靈峯寺在縣西南十里方山唐咸通四年重建宋雍熙三年僧奉秘修陳協用記明隆慶間大雷雨折山頂塔今半塔突立

石佛寺在縣西南三里卽古百梯寺唐司空圖有上百梯寺懷舊僧詩內有唐虞鄉縣令劉行忠幡竿銘曰用茲祿俸發此淨心敬樹幡竿于百梯寺之西南岑錯綜繒綺雕飾梓材匠人盡斧印之奇女工窮縵繡之妙銘曰華幡媿日雕竿倚雲開元三年畢功又書都維那法泰上坐崇簡寺

主彥宗

金牛寺在西二十二里金牛村

國朝陳奕禧有詩

延祚寺在縣西北十五里孫常鎮唐貞觀間建後燬宋太祖遊關西避難方山百日太平興國二年勅修方山及延祚寺明嘉靖乙卯寺傾萬曆二十五年修復山陰王朱俊柵撰記崇禎十一年重修吳阿衡撰記山陰王朱廷理端居道人立石

普照寺在東二十三里張莊村

清涼寺在裴坊里有碑

紫柏禪院在縣東南十五里王官谷東金大定三年建

觀音閣在石佛寺南

山西通志 卷一百一十一
文元觀在縣南唐貞觀二年建

靈峯觀在縣西南十里五老山靈峯下五十二福地之一也
本名無相隋開皇中更名遊仙唐貞觀中復改大明有隱
者居此姚係薛逢胥有贈詩貞元中羅通微冲舉詔改今
名觀南有韓角峯韓君丈人棲隱處明胡濙有訪張赤脚
詩

道清觀在方山下侯愍子昇仙處相傳觀旁有硃砂洞以大
石方二丈餘覆壓洞口石色胥赤內有井水恒滿又傳竹
成林水自溢凡三次昇一仙云

丹陽觀在東南十里王官谷內卽唐司空圖隱處金大定三
年建

山觀在中條山唐太和中滌腸道士居此嘗一夕登壇望觀

中有異光自井中發俄一物狀若兔環繞醮壇久之復入
井因淘得金兔精光爛然後遺御史李戎一日金兔倏亡
戎尋卒

重峯觀在城南

猗氏縣

妙道寺在縣東北元至元二十二年因舊建有浮圖二明洪
武初置僧會司今更名鴈塔寺

仁壽寺在縣東北二里峩嶠南麓隋唐間榜曰白禪曇延立
講堂於東廂天授間改大雲後周因之宋熙寧間賜額壽
聖僧悟通建浮圖飛樓元豐間修金貞元三年勅修元至
正間僧虎溪再修至大間改今名明洪武初併洪福千佛
廣福壽聖聖安慈氏寶泉七寺入焉成化嘉靖萬曆間屢

修何東序有詩

靈巖寺在里寺村明太祖賜寺僧洪濟經一藏經三千餘卷
今多殘缺

龍巖寺在縣東十八里唐貞元二年勅建金皇統五年重修
明洪武初併大雄洪果二寺入焉

永福寺在荊陽村

洪果寺在王寮村

寶峯院在東朝村勅建

大清觀在縣東南二十里金大定年建明洪武初併天寧萬

壽清真三觀入焉置道會司道士大陳小陳棲此

萬泉縣

彌陀寺在張戶村元魏景明間建

鐵佛寺在城內按察司東明洪武間置僧會司

國朝康熙三十五年知縣瞿亮邦重修

法藏寺在馮底村唐貞觀中尉遲敬德監修

正覺寺在景村唐龍朔元年建

福興寺在西解村唐乾封二年建

興龍寺在南澗村宋宣和二年建

勝果寺在縣西宋宣和二年建明洪武間置僧會司併釋迦

龍興檻泉下生四寺入焉

檻泉寺在孤山西巔宋宣和二年建山麓有檻泉故名

黃龍寺在黃甫村宋元祐元年建

大雄寺在南解村宋至和間建

上教寺在西塢底村元延祐二年建

山西通志 卷一百七十
天長寺在王亞村遼天慶二年建

法寶寺在薛趙村元泰定二年建

下生寺二一在四望村金天興元年建內有龍柏相傳漢光

武繫馬至今柏有竅西南一枝似龍嘗掛鞭其上有光武

祠柏在祠前又有光武上馬石一在北解村元延祐二年

建

法雲寺在縣南十里介山絕頂弘麗精巧甲於一方元泰定

元年建明嘉靖甲辰重修隆慶二年賈仁元記萬曆八年

張守良募建石城週七十丈

福勝寺在小桃村元至正十二年建

普照寺在大趙村元泰定元年建又有法王寺泰定三年建

觀音寺二一在聖水泉西內有石洞一名觀音聖水院一在

荆淮村元致和元年重建

釋迦寺在烏蘓村元至元三年建

靈慧寺在吳薛村元泰定二年建

太清觀在縣西門內元延祐三年建

天慶觀在南李村元延祐間修

崇寧觀在西賈村元至元二年建

常貞觀在大賈村元至元二年建

榮河縣

天寧寺在縣東門外宋紹聖二年僧宗慶建

金山寺在縣東峩嶺嶺宋熙寧七年僧祖源建

八龍寺在縣東十五里李莊宋大中祥符五年真宗祀汾陰

過此見八龍垂像宛似八羊倏不見因建寺以紀瑞內有

山西通志 卷一百一十七 寺觀

浮圖元至元間修

興國寺在縣南十五里元至正四年僧道貴建

廣福寺在縣北二十里馮村金天會十年僧道會建

會司

大覺寺在縣北三十里王信村唐垂拱初建明洪武間置僧

鐵佛寺在縣南三十里薛公村金承安三年僧會元建

觀音寺在縣北四十里元至元二年建

棲霞觀在縣東元至元十八年建今廢

明陽觀在縣南關元至治二年提點高德敬建

脩真觀在縣北二十里何村元泰定元年建

慶雲觀在縣北四十里孫石村元至大四年建

岱嶽觀在縣岱嶽祠東元泰定二年建

遼州

天寧寺在州南宋太平興國二年建明洪武二十二年修

國朝康熙十一年重修

能仁寺在州南街元大德三年建明永樂十年修

國朝順治十四年重修

默照寺在城西北金大定六年建

國朝順治十一年重修

洪濟寺在州東關晉天福九年建明洪武十九年重修

崇聖寺在州西關元泰定三年建明洪武八年修

國朝康熙四年重修內有西樓

白佛寺在城東十二里石洞有白石佛明季建

資聖寺在城東十里甕洪山一名甕洪寺明永樂十五年建

國朝順治二年重修

資壽寺在城南二十里明洪武初建弘治間重修

宗聖寺在石匣村明永樂九年建

國朝康熙三年修

壽聖寺十一在州東五軍寺村晉開運二年建一在州東澤

城村宋熙寧間建一在州東五指村唐時建一在州東葦

澤村晉天福間建一在州東南麻田村元至元三年建一

在州西馬家村宋熙寧元年建一在州北寒桃鎮晉開運

二年建一在州西魏家莊宋崇寧三年建一在州西長城

鎮一在州東駱駝村

寧福寺在黃章鎮晉開運二年建明永樂十年重修

興國寺在州南高莊村元延祐二年建

福聖寺在城南麻田村元大德二年建

普妙院在城西北後窰峪村元至元三年建

觀音岩在州東王家莊山半有閣

石佛洞在州西七里

紫微觀在州東南岔村元至元間建明一統志紫微宮在州城東北五十里元建永

樂間重修

寂虛宮在州東故縣村元至元間建

棲真洞在甕洪山壁間有元人篆文數字

呂祖洞在州東十里

和順縣

龍泉寺在縣西金時建明洪武間修置僧會司

興國寺在遵化街

山西通志 卷一百一十一
麻衣寺在縣北山椒昔有僧好着麻衣人呼麻衣和尚住此
請建寺有碑僧與陳搏友善有相法行世宋太祖征太原道
經此躬祝佛前曰此行止以吊伐爲意誓不殺一人元王
思誠詩北山雨洗麻衣石

懸空寺在縣東三十里東山建於懸崖之半

天池寺在窰底村北

壽聖寺在黃嶺村

海眼寺在圈馬平村

龍附寺在西溪雲龍山

千佛寺在縣西山

天宮寺在天軍村

青岡寺在扒頭村

瑞雲觀在縣西南二里爨村元建明洪武間修觀頂蒼松十
餘丈傳爲秦漢時物

純陽宮在科奇村

榆社縣

香林寺在城中法堂老衲化此

大同寺在縣東南內有舍利塔阿育王造天下第十八塔藏
經所云遼州榆社塔是也漢永平十年建宋治平四年重
修元至元間改建中殿大德間改爲毘盧殿明洪武二十
四年修置僧會司內有鐘將旦卽隱隱有聲不擊自鳴寺
僧以爲誦經候無少爽云

崇聖寺在縣西南八里王村

北泉寺在縣北八里北泉山一名壽聖寺明永樂間僧普仙

山西通志 卷一百一十一
普正修寺有八景又有石牛遺蹟相傳牛入寺化爲石云
響堂寺在縣西十里梓荆山山有石室名響堂因以名寺
壽聖寺在縣南十里潭村

仁壽寺在縣南三十里韓村

禪山寺在縣西六十里禪隱山唐時建內有天牛皮鼓相傳
五色雲嘗現云

清涼寺在縣東六十里清涼山

安國寺在縣西六十五里

三清觀在縣西

通元觀在縣南三十七里舊有唐狄仁傑撰碑殘缺不可辨
元再建有鍊丹井至正間道人賈志希煉丹於此

沁州

天寧寺在福壽街宋雍熙四年建明洪武十五年重修置僧

正司

國朝康熙八年知州王宗魯修有碑記

明一統志
後周建

永慶寺二一在州北郊舊名大悲菴明萬曆三十六年潞王
易今額

國朝順治十年僧性休號尺木道人寂此造返生塔一在州
西段村元至正間建

廣生寺在州南郊明萬曆間建內有藏經樓

國朝康熙九年修

大悲寺在松交村唐咸通二年建宋大中祥符間修明正德
十三年又修

國朝順治十八年重修

一如寺在州南南里村舊名三聖寺元至元十六年重修明萬曆壬寅知州俞汝爲易今名有碑記

普照寺在州西開村北魏太和十二年建唐元和間修元泰定間又修明永樂景泰成化弘治間增修嘉靖十一年再修有碑

國朝順治間重修

柏林寺在州西南龍門山宋時建元季兵燬明正統十年重建正德十一年修釋海貴寂此塑像存

國朝康熙元年重修

圓通寺在州南泉村一名南泉寺唐貞觀間建金明昌五年重建明正德間修

國朝康熙二年重修

靈泉寺在州南南程村萬安山宋太平興國九年建內有冲淑冲惠二真人像

國朝

世祖章皇帝御書佛字賜寺僧普汰因建聖佛樓

龍佛寺在州南庶紀村宋元祐二年建明正德癸未修

法雲寺在州西福村唐元和間建宋天聖二年修元至正及明永樂成化間屢修

國朝康熙十年重修

大名寺在州西南鳴蘇村宋天聖四年建明成化嘉靖間修國朝康熙十年重修

靈巖寺在州東石堠村金大定三年賜額

國朝順治間重修

福興寺在州西北羊莊村金大定二年建明萬曆十二年修
國朝順治九年重修

白鹿寺在州西伏牛山元至正間重建明弘治二年修今廢
名興寺在銅鞮故縣鎮元大德二年建明弘治十二年修

國朝順治十三年復修

壽聖寺一名洪壽寺在州西堯出村元時建

延壽寺一名古佛寺在康公里元延祐三年重修明成化間
修

國朝康熙間增修

聖壽寺在州南古韓村元至元間建明成化丙戌修

清涼寺在州伏龍山下金皇統間建地有溫泉大達國師無
業常閱經於此

洪相寺在州西南蟠龍山明景泰元年修

國朝康熙十一年重修

福巖寺在州西南冊村元皇慶間建

永壽寺在州西北喬村金太和六年建明正德十五年修

國朝順治間重修

彌陀寺在州西北里村元泰定間建明成化八年修

國朝順治間重修

靈感院在州北郭外金大定三年賜額謝榛有詩

大雲禪院在州西郭村宋時建金崇慶間賜額郡人董應記

國朝康熙十年修

普淨禪院在州南三里窰則村宋元祐間建金大定三年賜

額

昭慶院在州北王可村金大定三年賜額二十九年重修
國朝康熙八年又修
白衣堂在福村明嘉靖二年建

元妙觀在州治東元大德間建明洪武十五年修置道正司
以神霄宮玉貞觀入焉弘治十五年修正德九年重修
國朝康熙二年知州汪宗魯又修郡人張顥記昔有道士呂
雲仙點金飾聖像焉

長春觀在州南八里塔地村世傳韓湘子建塔於此鄉人立
祠祀之遂名塔地

國朝康熙五年重修

清和觀在州西郭村元大德八年建明嘉靖五年修
國朝康熙四年重修

集賢觀在州南許莊元至元三年建

國朝順治間重修

太虛觀在州南南泉村明正德辛巳修嘉靖三十五年重修
願真觀在州南李莊元至元十五年建明弘治十二年修
國朝順治間重修
太清觀金明昌五年建

沁源縣

聖壽寺三在通僊街宋皇祐中建明洪武間僧圓通重修

嘉靖元年知縣馮繼祖易建文廟二十年知縣賈德潤復

文廟於故址仍建寺

國朝順治康熙間屢修
在靈空山唐懿宗第三子佖遭黃
巢之亂祝髮爲僧至山十八盤之南崖以衣蒙面投下各

捨身崖崖西有澗以長石橫亘其上始通往來西有巒橋
跨澗而渡遂卓錫焉僊橋下有五龍川五川相通至今無
水昭宗景福二年化此詔卽其地建寺世稱先師菩薩宋
端拱二年賜今額續所長數丈碑二十螺山寺在縣南二十里北石村螺山亦先師菩薩卓錫之地
旁有石井泉冬夏不涸元至正間僧勝錦募建

國朝康熙七年修平載

麻衣寺在縣東北八里龍居山後晉天福初麻衣禪師坐化
此後漢乾祐二年建始名天平院宋皇祐五年僧懷立法
大嵩重修此南南具村四五里石佛寺在縣東南宋皇祐間建

國朝初巡撫蔡士英勦流賊至縣夢石佛遂駐營其地命知

縣張子龍增修命宋徽宗景泰五年間建

慈雲寺在縣北五十里郭道鎮東仁霧山唐時建後燬於兵
明天順五年僧圓滿重建

香林寺在縣西北五十里上觀山後漢乾祐中僧性惟建名
圍松禪院宋天聖八年僧順普重修金大定間勅賜今額

青果寺在縣東北五十里青果山元至正間建示

靈壽寺在縣西北六十里靈空山南麓唐景福中因先師菩
薩勅建宋端拱中賜額明嘉靖間重修南

龍華寺在縣北昂頭村隋開皇中建宋嘉祐間僧元丕修賜
額龍福院元至元間僧德澤重修改今名會

隆興寺在縣東北琴峪村後魏太和元年僧圓生建明宣德
七年重修東北官軍建

山西通志 卷一百一十一 寺觀
三

觀音寺在縣東北官軍鎮後魏大統間建
海泉寺在縣西北韓洪鎮唐景福中建先師菩薩卓錫靈空
遊鎮之南山飲泉而甘卽建菴明成化間增修題今額後

請廢寺五縛北晨蓮林湖開皇中夢宋壽師開創元正妙觀
國朝康熙末八年改建鎮東塑先師像於南殿

普通寺在縣南南峪村唐時建明天順成化間繼修
寶覺寺在縣北綿上鎮西宋嘉祐間僧雲曇建元大德間僧

道金修明洪武成化間繼修
興國寺在縣北河西村元至元間僧普雲建明宣德嘉靖間

修天廟正平山神廟
國朝康熙四十年又修
報國寺在縣西北俞家峪明景泰正德間繼修聖像稱奇

龍興禪院在縣東南隅萬曆二十四年僧真鈿建
琴山菴在縣東三里琴高真人棲此
朝元觀在縣東三里河東村明景泰三年重修

太清觀在縣西北紫金山金天會年縣令閻密結菴戶解於
此大定十四年密子寧聞於朝詔賜今名喬辰撰記後薛

道紀唐善慶逋棲此明洪武初設道會司
國朝康熙間屢修

洞陽觀在縣南園寨村元至元年道人吳志元捨宅建明弘
太治間重修

至真觀在南峪村明洪武十五年重修
煉陽觀在縣東北洪林村明洪武十五年重修

清真觀在縣南好村
山西通志 卷一百一十一 寺觀

三

三

龍泉觀在縣西柏子鎮

煉真觀在縣東紫紅村明嘉靖三年重修重創

朝陽觀在縣北綿上鎮東明正德間重修

太和觀在縣北王和村

武鄉縣隸南園寨村元至元平敵入與志云餘字數間

延禧寺在縣東關元至元二年建明洪武間置僧會司崇禎

十年修善觀觀對北門共五所

石佛寺在縣西關密子庵間今廢

普濟寺在縣南南山廟東明崇禎十年邑人魏光緒改建前

時有龍槐殊奇古里西東村即景

離相寺在縣東四十里土郝村中有古柏

崇勝寺在縣東橫嶺內塑尼睡像相傳南來睡化於此

洪福寺在縣東北賈河村邑人魏廷望重修西回村宋啟平

聚福寺在縣南吳村明魏雲中有詩重創一山北正十里

勲歡寺在縣西勲歡鎮四十里

白衣菴在東門外延禧寺後

太清觀在縣西關崇仁坊宋政和初建明洪武間設道會司

清塵觀在縣西關邑人魏令望建

會仙觀在縣東監張村元時建昔賈志韜會仙於此因以名

觀高觀自西

國朝順治間重修趙三麒記

昊天觀在縣西下城村

通元觀在縣東北張村即紫微下院

玉皇觀在縣西段村東門外

山西通志 卷一百七十一 寺觀

七

山西通志 卷一百一十一 寺觀
紫微宮在縣東下郝村門外

平定州五縣東北紫微宮

天寧寺在下城南營宋熙寧中建徽宗賜名天寧萬壽禪林

勅太師蔡京書額內雙塔對峙高十丈有奇知平定州軍

事高權有雙塔記大悲閣元呂思誠記明弘治間修延定

會之記嘉靖間修郝元溟記

資福寺二一在冠山元至順間建明洪武間修正德二年拓

太建一在州西十五里蘇村元至正二年建明景泰七年重

白修

壽聖寺五一在州東北四十里移穰村唐貞觀二年建宋宣

和五年重修明洪武八年僧惠寧重建一在州北五十里

共拒城都宋宣和五年建一在州東六十里西回村宋治平

元年建一在州西二十里平潭村宋熙寧元年建一在州

北二十里白羊村宋治平四年重建元呂思誠記

晉寧寺二一在獅子山宋崇寧間建一在廣陽村宋嘉祐間

建

聖壽寺三一在州東鴻亭村元至正十三年建一在州東北

外董寨村明正統四年建一在州東北盤石村明正德九年

建知州才英記

聖泉寺在州西十里新興都宋天祐六年建

萬安寺在州東北四十里龍莊村元至正間建明景泰間重

雲修寺

圓興寺在州西六十里汧橋村隋開皇四年建明景泰間重

建修寺在州東六十里東回村金泰和六年建

乾寧寺在州東六十里東回村金泰和六年建

法雲寺在州西百里廣陽村明正統四年建

雲峯寺在范家莊曹命記

鐵佛寺在娘子關明嘉靖中建宋登春有題娘子關鐵佛寺

壁詩

長國寺在石門口山崖下

保陽菴在承天山半一名老君洞相傳老子麻姑煉藥於此

聖元郝天挺麻姑壇詩貯經洞古無遺檢養藥爐存有舊砂

瑞雲觀在三都仙人臺下元至正間建明正德間增修

寶真觀在州東三十里新村金大定間建

遇真觀在州北三十里陰營村金大定間建

神霄玉清萬壽宮在下城獅子巷西宋宣和六年建內有徽

宗御製碑今為五嶽行祠

老君堂在承天山明喬宇有詩

壽陽縣

崇福寺在縣故城北唐時建賈侃詩肇造已聞天寶末新增

又紀太和年

廣度寺在縣西南廣惠街元中統三年建明洪武間置僧會

楞伽寺在縣東太平村

方山寺在方山一名神福山有上寺下寺為唐李長者通元

建長者將著論釋華嚴經掛經囊於虎背曰可與吾擇

棲止處虎望神福山原直上三十餘里止土龕後化龕中

宋元祐三年提點河東刑獄張商英訪遺像立古殿三間

寺觀

長者堂三間邑人改建於集賢嶺下名昭化院為平寺寺門古柏二內有宋崇寧間僧宗勝撰長者行蹟碑勅賜顯教妙嚴長者碑宋邑宰員逢源遊昭化院詩金王雷詩石碣主寺宋政和間僧宗悟石甃長者龕在北殿前建軒閣對東北有長者伏虎像西北壁間有張商英撰碑

寶峯寺在縣南庫韓村

白鹿寺在縣西北五十里湧泉山

洪福寺在縣東南韓贈村

廣勝寺在縣東南張韓村

朝陽閣在東關明正德丁丑建僉事王世隆改祀韓昌黎有

詩堂

長春觀在縣南北街一名清微觀元大德八年建明洪武間

置僧會司

老君觀在縣北獨壁村

寶真觀在縣西北張經村

孟縣

華嚴道場在南二十里李賓山李長者道場也後建精舍長

典者墓存

三聖寺在縣西南隅宋治平元年建明洪武間置僧會司

統志

大覺寺二一在城武村一在新莊村

清涼寺在白水村

普恩寺在郭村

興龍寺在雙鶴山

千佛寺在烏沙村

龍居寺在温池村

彌勒寺在東山村

惠福寺在牛村

建福寺在土坡村

大興寺在榆北村

興化寺在興道村

靈嵩寺在西郭秋村里

靈岳寺在縣北五十里柴莊

兩青寺在縣西北七十里

侯莊寺在縣西北八十里

慈氏院在西北三里重門山

金大定二年勅建慈氏清凉二

院山因名慈氏焉

清凉院在西北三里重門山

金大定二年勅建

清沙觀在縣南二十里

紫微宮在婁里村

樂平縣

崇教寺在縣東北隅

宋熙寧五年建明洪武十四年併壽聖

寺入焉置僧會司

慈雲寺在縣西南二里

元大德間建

梵乘寺在縣東三十里

北界都村舊有五色牡丹自生寺內

色艷而香後亡其三土人傳

三姊妹往河南語

佛林寺在縣東三十里

南界都村南數畝東園林翠蔚焚

福岩寺在縣東南三十里

黃岩村即舊牢嶺山梁車黑懸鉢

山西通志 卷一百一十一
園林寺在縣南三十里南野頭村明喬宇詩山深車馬應稀
跡寺古園林剩得名又云松嶺南連鐵佛東園林深擁梵
王宮而香迺寸其三土人勸三教故封曰清宮

石佛寺在縣南三十里羅莊村林曹百正邑於丹自主寺內
石馬寺在縣西南三十里石馬山又名石佛寺冬月雲生則
雪降元王構有石馬寺詩明喬宇有石馬寒雲詩

壽聖寺二一在縣西三十里孔家掌一在桃居村明喬宇有
詩平線

典覺寺在縣東五十里昔陽村

石門寺在縣東七十里豐稔村明喬宇詩山爲屏障石爲門
中有招提數畝園

孔公寺在縣東八十里民安村

法安寺在縣東八十里民安村

彌陀寺在縣東南八十里車寺村

興國寺在縣西百里重興村

興善寺在縣西百里長壽山

龍安山寺在龍安山明喬宇有遊龍山寺詩

臺泉寺明喬宇詩北尋蘭若路透迤左右峯巒夾兩頤

雙林寺明左叅政孫繼魯詩南下臺泉三十里忽逢佳寺說

太雙林寺在縣東八十里

重興寺明喬宇詩諸廊繞砌疑無地一刹臨崖別有天

趙壁寺明喬宇有詩

玉泉寺石罅鳴泉明喬宇有詩

橫嶺寺在三峯山下明孫繼魯詩三峯山下梵王邱新建丹

懋薨百尺樓峯山下明初懋薨營三峯山下梵王風濤數丹
南塲頭寺明喬宗有詩字官籍

靈泉寺明趙思誠有詩

三聖寺在縣東七十里臯落村乃古觀也元大德年建

太清觀在縣東六十里靜陽村元至大年建

碧霞觀在縣東七十里宋時建不詳泉三十里恩教卦寺

通真觀在縣東七十里水峪村今廢古峯嶺夾兩觀

慶雲觀在縣東南七十里石龕村不詳

興善寺在縣西百十里

興國寺在縣西百十里

顯訓寺在縣東南八十里

山西通志卷第一百七十

山西通志卷第一百七十古創觀聖因寺同業觀在縣

慈聖寺在王山西巡撫都察院右副都御史臣覺羅石麟奉

旨修輯在山西書次外開

寶香寺觀在香山

忻州東在龍

興國寺在州治後唐鳳儀中建明洪武初置僧正司明一統志金建

文殊寺在州城外壇溝明萬曆甲戌建張泮記在州

治西在南郭水岸青巖

大悲寺在南郭外西懸崖中有古洞鳥道盤跚而上有大悲

像明萬曆三年僧悟增別院於檀溝之南張泮撰碑

福勝寺在西張一名西張寺明巡撫任洛有書西張寺詩寺

崇化寺在州西北流江宋時建元季兵焚明宣德間僧禧公

崇募建楊壽有記崇募山未却數元李其焚開宜縣間曾蘇公
傘蓋寺在馮村後唐初建附山植松百所謂傘蓋青松也寺

右廢塔二相傳殿瓦無塵云詞飲曾蘇之南張平建
陀羅寺在州西北五十五里土人傳文殊遊此有足跡及清

涼石香爐石滴水岩青龍池

福田寺在繫舟山金元德明讀書於此有德明寒食遊寺詩
興趙秉文楊雲翼胥有詩寺在山東岩一名東岩寺元好問

亦有東龕玩月詩

寶香寺在馥香山

香泉寺在路村西三嵬山唐光化間建

淤泥寺元王構有詩

龍泉精舍在州西集賢鄉官庄僧鎮隆建國子司業傅新德

有記

定和禪院在匡村舊名匡村寺晉四十二年以謝王

神霄宮金天會中宋武節大夫何宏中自西京放歸請為黃

冠師自號通理先生時神霄宮廢道士舊以徽宗為東華

王君將毀其像宏中為起紫微殿遷像事之正隆四年歿宏

中與朱少章輩唱酬甚多皆為所推重載之墓碣之陰

天慶觀在州西九龍原上檀弓謂之九原水經謂滹沱經九

原城北流卽其地也舊傳為唐七聖觀其後有白鶴之異

改白鶴觀後晉天福二年書於版記宋大中祥符二年詔

郡國立天慶觀改今名建殿於老君之左祠軒轅號明慶

堂冉宗閔有記杜祈公衍有列仙亭題咏金貞祐後殿宇

盡廢道士王志常重建每歲二月望道家云是老君誕日

及期有鶴降多至十數翔舞殿庭了不驚畏三日乃罷州人先期延望黃冠千里來會久不復至內有祁公白子西詩高司戶子文書孫內翰國鎮文能知雄水壁風濤起伏有蜀兩孫風張永淳天蓬四聖毛髮生動威重可怖號爲河東名筆金元好問有記明萬曆二十七年二月望日羣鶴復集余繼登有記魏允貞詩誰知三百年來後又覩聯翩下碧雲

玉清觀二一在水馬村一在傅家庄

洞元觀在州西北四十里嘉禾村元大德年建

輒定襄縣

聖壽寺二一在城隍廟左明萬曆四十三年知縣王立愛重修一在北關舊爲昭惠靈顯王祠今仍之

功德寺三一在神山東十五里金元好問讀書於此上建佛寺好問詩金身入夢基初立白馬駝經剎始安碑斷猶存蝌蚪字樑空不辨漢唐年一在高蔣村宋嘉祐七年建明真洪武初置僧會司一在趙家營

曇陽寺在東南山宋崇寧間智重顯女幼航空寂及笄不嫁小禍福多前知一日入山坐化因建塔邑人傳新德題今額實有仙姑塔詩林間邑人傳靈辯暫留

興國寺在橫山宋慶曆四年僧作院主明年正月十八日女舉三昧火自焚得舍利數粒鄉人號曰舍利和尚爲建塔共勒碑金元好問有詩一在隆觀林一在高昇林

永寧寺在趙村而去

聖阜寺在縣東北二十里沙村聖阜山勅建山下有溫泉明

山西通志 卷一百一十一 寺觀
望萬曆間正月一老人水內沐浴云出水則冷入水則熱浴
示罷翻石向下而去

洪福寺三一在西酈村一在劉暉村一在高長村

文殊寺三一在牛臺村一在寺碣山一在庄頭村

福田寺二一在中村庄一在于家庄

廣教寺在向陽村明邑人郭瑄撰碑記

水頭寺在胡桃源

紅泉寺在南山

真容院在東酈村唐時打地和尚隱此大曆十三年化門人

建塔葬之宋元祐四年張商英諭衆新其院撰記

龍泉院在東霍村

大平院在寇村

三清觀在南王村

純陽觀在南鐔村

老君觀在青石

靜樂縣

寶峰寺在縣東北金時建

興國寺在西郭外

護國朝陽寺在東門外

龍和山寺距縣百二十里龍和山頂元大德中建

天慶觀在縣東門內宋大中祥符間建觀依北山之麓最後

爲三清殿循殿而北上盤紆約二百步至山脇當峻壁巉

岩處爲洞鑿深三丈高廣尋仞入洞西折石梯高丈許陟

之達洞之奧容十許人坐正南爲牖下瞰城市名陽光洞

山西通志 卷一百七十一
宋道正閔若進棲此憲州尉杜時亮撰記金大定二十五年重修明洪武間置道會司今廢

熙真觀在縣南七十里樓煩城內宋元祐間建
三清觀在縣南七十里

代州

圓果寺在州東北隅隋開皇間建內有塔十三級高百二十尺宋楊延昭嘗射三矢其上今廢洪武初置僧正司并洪福弘濟資聖興國青龍打地功德七寺入焉

天寧寺在州北門街唐貞觀間建明洪武初吉安侯陸亨截其半爲振武衛

延福寺在州西南十里中解村元至元二年建明洪武八年併文殊三聖二寺入焉

舜子寺在州東十五里舜山上有舜井舜廟寺在山半塑大舜娥皇女英像莫知創始然寺曰舜子當與商州虞城互考

洪濟寺在州東二十里若宛村佛暨諸像甚工傳爲劉鳳仙塑

栢林寺在晉王墓側後唐同光三年莊宗建以奉香火內傳遺像一軸共七人王著緋袍據牀坐其右冠王冠而衣黃者亞子也其左冠虎頭而衣青者存孝也其二東嚮侍其二西嚮侍莫知爲誰王挾矢睨視之蓋王眇一目畫筆爲王諱之畫甚工明武宗過代持真像去摹像留寺中寺左右爲東西花園王遊賞地

望臺寺在州東南四十里宋太平興國五年建

山西通志 卷一百七十一 五
白仁岩寺在州西北三十里白仁岩巨石上晉慧遠闢石爲
室建樓觀臺榭殿廊門廡僧軒廚庫具備故碑尚存明僧
慧菴重建都御史弋謙記

庵頭寺在州東南五十里圭峰山下

極樂寺在劉雪溪墓側

三清觀在州城外西關明洪武三十八年置道正司景泰間

徙建城西門外今名圓通殿

崇元觀在城東南六里元至正中建

瑞雲觀在州南八里潘美庄西唐貞觀中建

明一統志
南十五里

鳳凰觀在鳳凰山之陽去州三十里魏太武迎嵩山寇謙之
居此一名來儀觀宋闕道寧號休休子養真於此年八十
四尸解而化有遺頌并志今剝落葛洪孫思邈董思珍朱

自然劉海蟾胥寓此

神岡觀金至德廣元大師張廣元居此杜志元師事之

五臺縣

臺懷佛刹

大顯通寺在縣東北百二十里五臺山古名大孚靈鷲寺漢
明帝永平十一年春印度摩騰法蘭禮清涼山奏請建伽
藍復言山形宛同印度靈鷲宜卽用爲名上以始信化緣
加大孚靈鷲寺仍度僧數十居之後魏名善住院孝文
帝重建環山復置院十二前有雜花園亦名花園寺寺嘗
設無遮齋有貧女剪髮作布施從二子一犬乞齋俄化菩
薩相因以所施髮建塔在大塔院寺東卽古雜花園也又
寺中三沙彌得神藥色如玉相傳食已飄舉云北齊於

山西通志 卷一百一十一 寺觀 六
臺山建寺二百餘所割八州稅以充香火 隋開皇十三年遣使至清涼設齋上自書疏 唐太宗復加修建貞觀二年詔修齋七日九年十一月詔曰五臺山者文殊闍宅萬聖幽棲境係太原實我祖宗植德之所切宜祇畏是年臺山建十刹度僧數百顯慶元年勅五臺山道場地無得稅斂則天朝以新譯華嚴經中載此山名改爲大華嚴寺天寶中日本國王白璧天皇遣二僧靈仙行賀禮五臺山學佛法後開成會昌中仁明天皇遣僧入禮五臺乾元二年勅建五臺山寺一區選高行沙門主之貞元中清涼觀法師造華嚴疏鈔貞元丙子天竺烏茶國王遣使賫奇香旌旆往禮五頂疏曰南天竺烏茶國深信最勝善逝法者修行最勝大乘行者吉祥自在師子王稽首和南於大支

那國五頂山中曼殊室利摩訶菩提薩埵垂足下唐釋智顛棲此 宋雍熙元年日本國僧裔然浮海至獻職貢求詣五臺許之令所過續食又求印本藏經詔給之景德四年夏王德明請修供五臺山十寺上遣閣門祇候袁瑀爲致祭使護送所供物至山寶慶元年元昊表遣使五臺供佛寶宋釋和希棲此 元至元二年印經一藏勅送臺山善住院十二佛刹皆爲修葺二十四年命西僧監藏宛卜卜思哥等作佛事於五臺山等寺元貞元年建佛寺於五臺山以前工部尚書涅只爲將作院領工部事以燕南河北道肅政廉訪使宋德業爲工部尚書董其役以大都保定正定平陽太原大同河間大名順德廣平十路應其所需三年五臺山佛寺成至大元年建佛閣於五臺寺復造寺

山西通志 卷一百一十一
五臺山摘軍六千五百人供其役二年皇太后將幸五臺
樞政院請調軍扈從省臣議昔大太后嘗幸五臺於住夏
探馬赤及漢軍內各起扈從軍三百人今遵故事從之令
高麗王從太后之五臺山時仁宗居東宮幸五臺山王約
諫不可久居即日還上京至順元年遣使詣五臺山作佛
事元釋佛日棲此 明成祖特勅於靈鷲華嚴寶積寺舊
基重建改大顯通寺賜額莊嚴勅旨護持凡十餘道永樂
壬午秋迎西域葛哩麻尊者遣使送至大顯通寺勅太監
楊昇修寺戊子入滅勅楊昇塑像於顯通法堂三年增設
僧綱司庚寅御製佛名曲經頒賜相傳有五色祥光次日
復有羅漢由華嚴嶺來至三千餘云命工繪圖御製感應
序十二年西僧釋迦也失至顯通寺召入復歸臺山宣德

六年辭歸西域按二僧榮遇年月多舛聊節錄之天順二年夏勅諭護持
顯通寺成化七年夏勅諭都綱司萬曆十二年遣太監高
勛王忠詣山飯僧十三年勅造大藏經頒賜二藏

國朝

聖祖仁皇帝發帑金重修有

御製碑記康熙二十六年十二月賚送香銀哈達到山各寺修

建上祝

太皇太后延壽無疆道場

御書匾額曰甘露津曰紺園

大文殊寺在臺懷卽菩薩頂真容院唐僧法雲創建相傳塑
像時塑工安生禱求菩薩現身七日倏顯現全像遂繪圖
模塑名真容院 廣德元年上在華陰文殊現形授以番

山西通志 卷一百一十一
語後還京詔修五臺文殊殿鑄銅爲瓦造鍍金文殊像高一丈六尺貞元丙子勅河東節度使李說進香文殊殿
宋太平興國二年勅以金泥書經一藏送真容院供養歲度僧五十人景德四年勅建重閣賜額奉真自太宗至仁宗頒宸章玉劄凡三百八十軸元祐三年七月癸卯張商英至真容院止清輝閣夜見金界南溪上燈如紅日浴海騰空而上至閣收斂如大青鳥良久北山雲起現大寶燈乙巳夜見文殊真容丙午夜清輝閣前再見金燈商英撰記元祐初勅還慧悟大師龕建塔藏之建中靖國元年河東守錢蓋偕樂安任良弼太原王直方宿真容院夜見燈如金銀盤 元延祐二年大長公主遊禮五頂於臺懷觀大圓光中現七級浮圖 明永樂初勅改建大文殊寺癸

巳春御書梵筴藏經讚序送寺中成化十七年造鍍金文殊像高一丈六尺遣太監李珍送寺勅諭刻石三月慈懿太后頒懿旨護持六月勅諭短竹班丹禪師月給僧糧二十石弘治十二年上半年製疏遣太監周輔祭告正德間燕劉繼先夫婦同化此萬曆辛巳遣太監李友重修

國朝

世祖章皇帝順治十二年四月發帑金差內大臣譚泰同大喇嘛底爾登鄂母齊率領格隆四十員到山修建祝國佑民道場四十日十四年十月發帑金差哈蘭兔金巴馬偏我同額木齊喇嘛率領格隆五十員到山修建祝國佑民道場一百日十七年 勅喇嘛督理臺山康熙十二年十二月

聖祖仁皇帝差一等侍衛瓢子同 御前侍衛吳什哈白京朱

黑德莫羅到山拈香禮佛復差侍衛吳當朱爾戶賚送金銀龍緞香燭哈達到菩薩頂供佛修建祝國佑民道場十七年五月差吳達禪那爾泰到菩薩頂賚送

御筆五臺聖境匾額二十二年二月

聖駕臨山

特命修建各寺上祝

太皇太后延壽無疆道場三日親禮五頂各剎拈香於菩薩頂各殿陳供金銀龍緞香燭哈達

賜米千石

駕幸中臺

特諭不許砍伐山廠各要栽培樹木壯麗名山風水九月

聖駕復幸臺山駐蹕菩薩頂虔修道場三日五頂拈香各剎禮

佛掛匾揚幡香燭茶果哈達銀各二百兩菩薩頂特供金

銀珠寶纓絡龍緞幡匾頂縵香燭茶果哈達銀一千兩祝

太皇太后萬壽時西臺頂菩薩現瑞祥光五色

聖駕至中臺方隱仍

命改覆本寺大殿琉璃黃瓦

賜銀一千兩修建澡浴池華嚴嶺清涼石三寶地以應其瑞二

十三年三月於菩薩頂前後山門設官永鎮把總一員馬

兵十名步兵三十名守護香火供器二十七年三月差裕

親王同官保到山於菩薩頂賚送金銀寶珠哈達并各寺

銀糧修建報

太皇太后慈恩道場二十九年八月

皇太后差太監首領賚送銀糧香燭哈達到山修建
萬壽無疆道場四十九日三十年春

命闔寺改覆琉璃黃瓦給寺僧口糧八十分三十二年六月
皇太后差太監首領賚送銀糧錦緞香燭哈達到山修建

萬壽無疆道場四十九日三十七年二月朔旦

聖駕幸清涼山駐蹕菩薩頂五頂朝禮各寺拈香建護國裕民
道場三日

特賜菩薩頂供銀千兩四十年十一月十五日

頒賜梵書藏經全部差會計司員外郎關保賚送菩薩頂真容
院四十四年差掌儀員外郎種德送鍍金觀音普賢二菩
薩并獅象於真容院并

御製詩

御書匾額三曰五臺聖境曰珠林花雨曰靈峰聖境三十九年
御製菩薩頂大文殊院碑記四十六年

御製中臺菩薩頂碑記

大寶塔院寺在顯通之南五峰之中有阿育王所置佛舍利
塔及元魏時文殊髮塔因以爲名明永樂壬午勅太監楊
昇重建佛舍利塔五年建寺萬曆七年慈聖太后勅遣太
監范江李友重修并建釋迦文殊舍利寶塔張居正撰碑
十年正月爲祈儲遣太監尤用張本詣寺修無遮齋七日

國朝

聖祖仁皇帝

勅賜

御書匾額二曰景標清漢後閣曰金粟如來像

山西通志 卷一百一十一
大圓照寺在顯通之左古稱普寧寺明永樂初印土僧室利沙者來送居顯通寺宣德初示寂勅依法茶毘分舍利爲二分一於都城建寺曰真覺一於臺山普寧寺基建寺曰圓照正德間設都綱司

國朝

聖祖仁皇帝

御書匾額曰勝幡西振

大廣宗寺在鷲峰南半麓明正德二年遣中官韋敏勅建鑄銅爲瓦賜額廣宗今稱銅瓦殿釋紫栢詩更憐銅瓦風霜老祇恐重來不易逢

國朝

聖祖仁皇帝發帑重建有

御製碑記

御書匾額曰雲媚

清涼寺在中臺南四十里後魏孝文帝建唐宋胥設僧正司元至元二年重建明洪武間置僧會司併佛光藏頭寺入焉南有清涼石

聖祖仁皇帝

御書匾額曰水晶域

按李邕五臺山清涼寺碑在炎漢時卜中箭嶺用肇造我清涼寺在北齊時以八州租稅食我緇徒焉歷代帝王莫不崇飾則五臺山清涼爲最古明一統志卽佛書所謂文殊現相之地是真容殊相亦宜以清涼爲正望海寺在東臺頂元魏時建隋開皇元年詔五頂胥建寺塑

文殊像歲度僧三人唐貞元丙子西域南天竺烏荼國王遣使進華嚴後分梵本入朝兼賫奇香旌旆往禮五頂明天順二年勅造五大藏經安於五頂

國朝康熙二十二年四月

聖祖仁皇帝發帑重建二十三年五月差吳達禪賚

御製碑記及

御書匾額曰自在曰般若原

普濟寺在南臺頂宋建明僧慧澄暮登南臺值風雪忽見草庵僧擁爐入坐假寐及曉惟對枯株而已

國朝康熙二十二年四月

聖祖仁皇帝發帑重建二十三年五月

賜御製碑記

御書匾額曰大方廣室曰物外遊 古南臺在南臺寺南

法雷寺在西臺頂唐建

國朝康熙二十二年四月

聖祖仁皇帝發帑重建是年九月

聖祖幸寺臺頂菩薩現瑞祥光五色至中臺方隱二十三年五

月

賜御製碑記

御書匾額曰蓮井曰初地

靈應寺在北臺頂最高明隆慶初釋圓廣與徒明夾構屋萬曆間慈聖太后範金鑄像遣中官陳儒送峰頂建梵宇隆慶庚午僧遠菴倏見池中金色鯉萬曆癸酉上元日北臺神燈遍山剎端大如斗僧無用指端現燈

國朝康熙二十二年四月

聖祖仁皇帝發帑重建二十三年五月

賜御製碑記

鑾輿駐蹕有

御製北臺眺望詩

御書匾額曰栖真境曰火珠白月曰神湫曰龍叅

演教寺在中臺頂唐建有舍利藏於鐵塔唐僧伽大師嘗入
定中臺天花繞膝七日而起宋元祐三年七月張商英至
中臺見碧琉璃世界建中靖國元年錢蓋任良弼王直方
至中臺見寶座金橋明正德七年勅梵僧朶而只堅重建
鑄鐵爲瓦以覆之萬曆戊寅少林僧洪電十指端神燈忽
現分之爲十斂之成一

國朝康熙二十二年四月

聖祖仁皇帝發帑重建二十三年五月

賜御製碑記

御書匾額曰翠巖曰古雪

羅喉寺在塔院寺東北隅宋元祐三年張商英至羅喉足跡
殿夜見殿側神燈卽以錢三萬付僧正省奇修建明成化
間趙惠王重修

國朝康熙四十一年

聖祖仁皇帝發帑重修有

御製碑記

御書匾額曰八正門

碧山寺在華嚴谷明孤月禪師戒行精嚴天順間代王師事

山之建刹榜曰普濟後坐脫於此
國朝康熙三十七年發帑重建寺一名北山羣峰凝碧旋繞
丈室

聖祖仁皇帝改名碧山寺有

御製碑記

御書匾額曰入雲天籟

湧泉寺在中北二臺間古有湧泉名萬聖澡浴池相傳爲菩
薩盟掌地

國朝康熙四十四年

聖祖仁皇帝發帑建寺

御製碑記

御書匾額曰法雨晴飛

壽寧寺古名王子寺北齊文宣第三子入清涼禮懺於文殊
像前積薪自焚中官劉謙之藏骨鷲嶺之西齊主卽於焚
身處建寺唐都綱必救道行高卓昭宗命重修撥州田百
頃充常住宋景德初改名壽寧元華嚴禪定於此成宗英
宗先後駐蹕至治二年幸臺山至王子寺命右丞相巴思
重葺

國朝

聖祖仁皇帝

御書匾額曰白毫光現

按齊文宣第三子范陽王紹義周時卒蜀中無自焚事
然紹義不屈于周嘗舉兵繇馬邑至新興則五臺或其
所經行蓋亦哀之之辭也

山西通志 卷一百一十一
金閣寺在南臺西北嶺畔唐開元二十四年道義禪師與杭州僧守真同遊五臺徐行林中一童子招義飲茶行百餘步見金橋隨登入大寺殿堂僧舍皆金色地鋪碧琉璃義隨入東廂第一院見老僧坐金繩牀義叩問和尚常說何法曰春樹彌陀佛秋花觀世音茶畢童子引令叅堂遍歷十二院義忽思同伴潛出門度橋招之回首卽失其境後人建金閣寺以識焉宋崔提舉嘗見南臺金橋圓光元祐三年張商英於寺門前見南臺側祥雲金橋及金色相輪現紺青色霞光三道

國朝

聖祖仁皇帝

御書匾額曰具神通力

般若寺在樓觀谷唐無著文喜禪師詣五臺華嚴寺見一老翁牽牛而來延至家無著欲假宿翁曰汝有執心在令童子送出指曰此金剛窟般若寺也俄而童子與寺俱隱但見文殊乘獅往來後人因建寺明成化間晉王爲釋立禪重建

國朝

聖祖仁皇帝

御書匾額曰雁堂

棲賢寺在棲賢谷古名棲賢社石洞如霞

聖祖仁皇帝發帑重修

御製碑記

殊像寺在梵仙山左有文殊大士跨狻猊像傳爲神工康熙

山西通志 卷一百一十一
二十二年有

聖祖仁皇帝

御製詩

御書匾額曰瑞相天然三十九年發帑重建有

御製碑記

石嘴普濟寺在石嘴

聖祖仁皇帝

御書匾額曰梵覺

太平興國寺在樓觀谷宋沙門睿見棲此持律精嚴太平興國五年四月遣使臣蔡廷玉勅河東路建寺七年八月落成賜額以睿見主之卽楊延朗之師也中有五郎寺後代州有僧眞寶殉靖康之難載宋史

普恩寺在普濟寺東舊稱西天寺明洪武間梵僧室利板的達止此賜龍章護持并御製詩正統十年賜藏經
火場寺在大孚寺西

萬壽寺古名玉華寺在中臺東南麓隋有五百應眞棲此有騾數十頭自能入市運糧率以爲常其時池生白蓮代牧建寺卽名玉花明永樂初改今名

霞境寺在古南臺西

觀音寺在東臺觀音屏

大萬聖佑國寺在交口東山麓元成宗元貞元年勅建二年賜額命仲華大師主席大德六年入寂勅建塔仁宗皇慶元年賜慧印紫衣香藥遣旌幢送至寺英宗賜號弘教大師至治二年幸臺山賜慧印幣及玉文殊像七寶念珠

竹林寺在中臺南三十里唐大曆五年釋法照止佛光寺白光起北谷照即依光行東北里許澗下有石門童子出曰來何遲也引度溪橋文殊示以念佛三昧命布人間照方

欣開眼聖境皆失世謂悟入化竹林因創寺志之寺中如來小像

一龕製度精巧寺前舍利塔成化間耕者得石槲內藏銀匣中貯琉璃瓶盛舍利數百顆匣上刻僧雲宗寶藏弘治

靖間僧古燈重修

萬歲寺相傳金大定三年法冲大師法力勝黃冠蕭守真賜

儀仗送歸勅建寺

廣緣寺在鷲峰東古大王寺相傳古有王子出家於此後有

妃子寺

法王寺在妃子寺後

法雲寺在華嚴嶺唐三昧姑開化處代藩中官王朝捐資重

修

平章寺在華嚴谷金建

報恩寺在華嚴谷久廢

金界寺在華嚴谷唐建宋張無盡見神燈於此明成化初釋

清玉重修

鐵瓦寺在玉花池南

西壽寧寺元僧碧峰建

三塔寺在鷲峰西

日光寺在鳳林谷明嘉靖初僧獨峰建

寶林寺在日光北明嘉靖間僧古燈建贊皇縣民婦李氏至

寺盥沐禮佛說偈而逝

鳳林寺明僧德穎隱鳳林谷值歲凶貧民懇貸升斗德穎以

山西通志 卷一百一十一
餘糧授之出籬數武見二虎伏林間大怖而返德穎笑曰
虎自汝心耳送之出惟見二石遂名臥虎石今尚存萬曆
初改建寺額曰鳳林

護國寺在鷲峰南三里元成宗勅建真覺國師住此著慧燈
集

普門寺元至治二年勅建

碑樓寺在帝釋宮南

觀海寺在明月池側元魏建明成化間僧月舟重修

鎮海寺在交口西南嶺下

雷音寺在海螺城

天聖寺在井溝明嘉靖間建

靈峰寺在陽白峪唐建明成化間僧義寶叅禪於此國戚周

善世重修又中峰聖水天城三寺胥在陽白峪寺支院也

天盆寺以依山得名

日照寺在天盆谷

金燈寺在南臺東北麓

黑山寺在北臺唐寺僧法愛充監院以常住財置田後化爲
牛至今有牛皮鼓蹟

照果寺隋解脫和尚少披剃於此

法華院唐開元四年神英禪師至臺山憇華嚴寺齋後獨遊

西林披雲深入忽覩一寺額曰法華院英入瞻禮有多寶

佛塔後有仁王殿英出取衣鉢還惟深林密箐而已乃卽

其地建法華院今廢

福聖院唐取性道者居此

山西通志 卷一百一十一 寺觀 六
妙德菴

聖祖仁皇帝

御書匾額曰香閣慈雲白松風水月

法雲菴卽古彌陀菴憨山大師德清居此德清幼人呼清郎
萬曆乙亥偕友妙峰卓錫於此掘地獲石座上泐清郎居
三字清刺血研金書華嚴經後梵文胥變漢字以所書經
納大寶塔瓶中

龍興菴在棲賢谷明嘉靖初僧太虛棲此以夜聞龍吟故名
嘗正旦見祥光滿谷云

靈鷲菴在華嚴谷東元璧峰禪師北遊五臺道逢一蓬首女
五彩閃爍一黑髮隨後師問何之答曰入山曰入山何爲
答曰一切不言訖沒遂於其地建菴

雲集菴在曉天梁

智導菴在中臺南麓卽清涼泉之崖畔

淨土菴在棲賢谷明嘉靖間僧玉峰建

大盃菴在紫霞谷明無邊禪師受法楚峰峰嘗囑曰爾後有
盃飯當共衲子食嘉靖甲子卓錫於此掘地得銅盃受斗
粟卽以名菴

靜林菴在紫霞谷釋真雲建乃中峰嗣也

雜花菴在塔兒溝僧正叅建

大林菴在鳳林谷金陵僧素菴構

龍樹菴在車溝明嘉靖初僧寶印楚峰玉堂同叅太川和尚
華川說偈曰向去三人載一車後至蛇溝共結茅焉蓋蛇溝
樹舊名車溝也

棲鳳菴在天盆北嶺明嘉靖間僧寶峰建

華嚴菴在棲鳳菴東北明嘉靖間僧古檀誦華嚴於此

白頭菴在南臺東北十里菴有行者生而皓首明嘉靖間結

大廬於此

臥雲菴在中臺西南麓

青峰菴唐僧支法念棲禪菴南大松下定中見僧說苦空法

寤聞秋聲瑟瑟不勝其悲因呼爲苦空藁古碑猶存

仙人菴在北臺後麓

千佛洞在臺東北崖畔明嘉靖間僧道方夜遊至此見神燈

半萬點入見玉佛更進聞波濤之聲旋見一燈前導而出卽

洞造像焉

國朝

聖祖仁皇帝

御書匾額曰禪悅

七佛洞在臺西南二十里古有七梵僧至此入寂遂立七佛像

觀音洞在棲賢谷巖畔有滴泉味甘

不二樓在西臺北倚二聖對談石明嘉靖間僧慧月見文殊

淨名二聖對談華嚴一名華嚴樓

臺外佛刹

靈境寺去南臺二十里明成化間釋清善建

石塔寺在臺東南一名小栢寺

娑婆寺在臺西南三十里北齊釋元頤卓錫於此有婦携

子數來聽經頤疑而問之婦曰我名娑婆乃龍母也因聽

法得悟將脫鱗甲矣指池曰若真悟無生此淵當成高阜
 言訖水隨手起卽成高阜龍亦化去後人名曰龍宮聖堆
 頤建寺卽以龍母名名之 後周寺僧道明携沙彌至東
 臺花林山遇一人引入堂閣長者命道明送沙彌出回首
 卽失所在

佛光寺在臺西南四十里後魏文帝見佛光之瑞因名爲隋
 解脫和尚道場唐釋法照夜入化竹林卽此

嵌巖寺在臺南六十里後魏孝文帝建聖福赤崖法華殊公

四寺胥在仙花山陽

以上南臺外

華林寺在古華嚴唐建明時四修

香雲寺在華林寺側

香龔寺在華林寺東中有乳頭香龔

慈雲寺在香龔寺南

龍蟠寺在大會谷山勢若蟠龍故名

鳳嶺寺在龍蟠寺側

溫泉寺在臺東南五十餘里元重修

銅鐘寺在大會谷中昔有古鐘可受三十斛寺僧慧燈受戒

歸失之空中語曰鐘乃拘樓秦佛時兜率天王所造今已

收入金剛窟中燈著銘泐石記之

龍泉寺在臺東南舊路嶺宋建明嘉靖初羣盜縱橫行者憚

之有馬大士依止廢寺遇賊卽殺道路復通馬公將卒以

山門托燕京大智宗主遂重修寺焉

以上東臺外

圭峰寺在峩谷隋建豹子熊頭向陽育王望臺石門六寺胥

巖在峩谷隋唐間建

鐵勒寺在臺西南六十里鐵勒山唐慧洪大師建以上西臺外

白雲寺在五臺山之接待院面臨達道後枕岩椒

國朝康熙四十六年

聖祖仁皇帝發帑重建

御製碑記

御書匾額曰法雲真際

臺麓寺在臺山下射虎川康熙二十二年

聖祖仁皇帝西巡清涼山有虎伏叢薄間

親御弧矢一發殪之里人歡呼曰是為民害久矣今

鑾輿幸臨而此獸用殛殆天之所以除民災也因號其地曰射

虎川相率建寺以表厥異康熙二十四年發帑金三千一

百八十兩

御製碑記設大喇嘛一員格隆班弟二十五眾焚修香火三十

七年二月

聖祖幸山設供造佛像三尊四十年遣官賚送

內製鏤刻香檀佛像

御製碑文四十四年

賜梵書藏經

御書匾額曰十刹圓光曰五峰化育

寶積寺在臺北谷中

木瓜寺在臺北谷中

普濟寺在大黃尖南麓唐建

普光寺今名黎峪寺在文岫山壁峰金禪師化後門人建塔

明洪武間勅修上嘗賜詩曰沙門號壁峰五臺山愈崇壁

峰依華嚴製讖法梵音婉雅凡四十二奏唯寺眾襲其法
普四方學者觀頂受業焉以上北臺外

廣濟寺在縣西門內元至正間建

法華寺在縣東北七十里北齊建

峰山寺金醉軒姚孝錫詩雲生古木千章秀山抱晴川一掌

古竹林寺在縣東北六十里蓮花山

龍灣寺在縣東鄉山環澗瀉龍宮仙閣

明陽觀在縣西南八里紫羅山下甲辰崇道大師洞明子姬

志元重建請於長春宮得今額元好問撰碑甲辰志作大德八年誤

長春觀在縣東北元時建

萬壽宮在縣西北四十里善文都元至元二十九年建以上五臺

縣佛刹

繁峙縣

正覺寺在西關外元甲辰年建明洪武間置僧會司

淨名寺在縣南唐建宋太平興國間勅重修金元時胥修葺

公主寺在縣南二十里公主山後魏誠信公主出家建唐末

唯德禪師重修

蘭若寺在大黃尖北二十里唐建明萬曆初法華道者掛錫

於此併宋谷天宮二寺入焉

清源寺在大黃尖下二十里羣峰環抱元建關西僧戒喜參

悟中和尚久而辭去中偈記曰爾緣在此逢源而止萬曆

三初至此卓菴掘地得古碑名清源院即以名之

正覺禪院在滹沱之濱宋名天王院宣和間黃冠改為神霄

山西通志 卷一百一十一
五宮五臺真容院僧請復爲寺勅賜今額開黃銀地爲軒
三清觀在東南一里金大定年建
洞陽觀在西北二十五里上莊村

崞縣

崇聖寺在縣東宋政和二年建元至元二十七年修明洪武
間置僧會司天順七年重修後圯僧明闡復修賀愈撰記
樓煩寺在縣西北二十五里以樓煩城名晉慧遠演教地明
公嘉靖間毀于兵僧昭敬修李立本撰記

吉祥寺在縣東南七十里明正統間重修後頽成化間僧惟
德社民杜鳳重建訓導孔謳撰記

惠濟寺在縣東南三十里

土聖寺在縣西南七十里相傳寺內有鐘晚不擊自鳴明梁

環有詩

朝元觀在縣西南五十里元大德間崞山軍節度閻德剛居
衛邸里泉水出焉剛愛其勝招安邑道士梁思問爲方外
遊闢西園以居之建道院未成而歿剛子鎮留拜太原軍
務繼先志營建叅佐并建閻侯祠元道問記觀內有碑帶
石至晚光明似月明梁環有朝元夜月詩

神清觀在縣西北

保德州

寶積寺在州西南元大德七年建明洪武初併龍泉壽聖彌
陀興隆金峰花佛六寺入焉置僧正司景泰二年重修

承天寺在州東南元時建明永樂間修萬曆甲寅重修

金初

山西通志

卷一百一十一

寺觀

七

花佛寺在州南十五里宣化坊花佛村元至正間州南二十
里楊家灣南崖石窟中隱隱聞有聲者數年倏卸出魯班
石像腰繫槌鑿又有大小石佛數百骨節胥玲瓏無斧鑿
痕州人建寺昇置其中

興隆寺舊名資福寺在州東南三十里義合都橋頭村宋熙
寧元年建

天慶觀元時建明天順間重修今圯

青陽觀在州東南二十五里元大德九年建今廢

河曲縣

華嚴寺在縣治東元天曆元年建

禪會寺在縣東北十五里曹井村元至正間建

宗說寺在縣南八十里翠峰山上有閻浮王殿元皇慶間修

至治間改今名有碑記

福勝寺在寺塢村金大定間有詔鬻寺居民張世邁與弟衍

施錢百貫贖之因賜今額

壽聖寺在白鹿村宋治平間勅賜額

崇福寺在新作村元至正間重修

天寧寺在西溝村金正隆間建

海朝菴在南門外明萬曆間建環山注泉崇臺密蔭後遭寇

燬寺

天慶觀在縣南門外東岡宋大中祥符間建金大定間州守

興梁鉢撰記觀有古栢槎枿明萬曆元年龍出栢間火隨龍

發根枝胥焚

熒臺觀在縣東八十里獨蛇村宋大中祥符間建今廢

鳳凰觀在縣東北一百十里西溝村金泰和間建今改浮屠
解州縣封賢

興福寺在州西北崇寧坊宋乾興元年建明洪武間置僧正
天司併廣慈石牛二寺入焉歲久圯移建城隍廟街西更名
新寺

天寧寺在州西二十里中條山陰又名靜林寺宋元祐三年
建元至正三年修寺右有羅漢洞後有閣在崇巖上紅臉
溝泉自寺東偏山頂流遶而北四圍皆古栢蒼松杜陵所
謂松門似畫圖者是也

歸起寺在州西北三十里三樓村元魏間建歷代重修遞建
三樓故其里因以三樓名焉

石牛寺在州東北三十里趙村俗名趙村寺元大定元年建

僧禱寺古稱靜林下院在長江扶北

太清觀在州西北崇寧坊塔巷北有太極殿今廢

崇寧宮在州西門外關帝廟左元至元三年姜真人建明洪

武間置道正司嘉靖三年道正楊衍澄增修

安邑縣

太平興國寺在縣東北宋嘉祐八年建明洪武間置僧會司
內有塔十三級高二百六十尺止有黃白寶瓶相傳魯班
造嘉靖乙卯地震塔裂尺餘後震復合亦神物也

弘敬寺在縣西門外元至正十二年建

興寶寺在縣西運城司治西唐時建

觀音寺在縣西運城司治北元建

大覺寺在陶村內有古鐘元至元七年建

弘化寺在縣西運城南門外元建

觀音寺在縣西王曲村金泰和四年建卽羊馱寺鄉人掘地
典得石人騎羊僉以爲菩薩像因創寺祀之

大雲寺在鳴條岡虞舜陵側內有古栢胥大可十餘圍志稱
寺以守陵

靜林寺在縣東南條山古栢森翳林密徑險人跡罕到明李
大鑑詩馴飛幽鳥低巢樹忽走長蛟怪引藤

長春觀在縣東元至治間建

集仙觀在陳璧村唐景雲間建名景雲宮元改今名

崇夏縣

法輪寺在縣治東宋崇寧間建明洪武間修置僧會司

真如寺二一在溫谷里一在縣東陽和門外金天眷間建

雲巖寺在縣西北郭村元至治二年建

栢塔寺在縣南吳村栢塔山古栢千株上聳無枝狀似虺蛇

中有栢母林中建寺寺後建塔高十丈有奇塔久毀猶仍
其名

廣福寺在縣西七十里石碓村穆王山之枝山也唐貞觀五
年僧信回建

龍泉寺二一在縣北周村里唐開元間修一在縣北胡張里
宋崇寧三年建

威神寺在縣西寺後村韓忠所修一名韓忠寺中有石佛高
數丈又名石佛寺

壽聖寺五一在縣西西秦今毀一在縣西上王村一在縣西
南裴介鎮一在縣西蘇村一在縣西其母村

山西通志 卷一百一十一
普照寺四一在縣東南中呂村一在縣西北中衛一在縣北
壽趙村一在縣西侯村

餘慶寺在縣西鳴條岡宋治平二年建內有溫公祠卽溫公
守墳院也元豐八年賜額餘慶有碑存焉廖瑩中江行雜
錄司馬溫公先隴在鳴條山有餘慶寺

觀音寺在通谷村寺後有洞塑司馬溫公像公嘗讀書其中
云又有寺二一在縣西北西陰一在縣西馬喬

朝元觀在縣西池下王村爲夏陵建

長生觀在縣西水頭鎮

玉宸觀在縣北北大里

長春觀在縣東元至治初建

壽聖宮在縣內守信坊元至元二年道士馮明建明洪武間

置道會司併天聖萬壽二宮九陽龍祥二觀入焉

天聖宮在縣東五里瑤臺山商相巫咸巫賢墳在其下墳祠

在山麓宮在巫相祠右明萬曆丙戌災丁亥重修馬化龍

正記知縣胡栴建塔山巔後地震塔頂頽知縣蔣起龍補修

平陸縣

慶壽寺舊在城西南隅宋大中祥符二年僧了寬建明洪武

十五年重修置僧會司弘治正德嘉靖繼修萬曆辛卯知

縣鄭金移建城外之巽隅

開元寺在縣東三門集津今廢王翰記三門北有新開河山

上舊有開化寺今不存當卽此寺

大悲寺在縣西上澗村宋僧了寬建明洪武十四年重修

潛溪寺在縣西下庄村宋僧文銘建明洪武二十三年僧行

晉涓修弘治嘉靖間繼修

流慶寺在縣西西張村宋大中祥符二年建明洪武十六年

修

龍川寺在縣東二十五里沙澗村西僧道慶重修

佛窠寺在縣東寨頭村金明昌間僧了心建明洪武十年僧

原岩修

蘭馬寺在縣東馬家村元大定四年僧福貴建明洪武十四

年僧惠安修

五臺寺在縣東齊家村晉天福三年僧顯金建明洪武十二

年僧守錦修

竹林寺在縣西北中條山大通嶺唐甲子僧妙成建金承安

三年僧惠燈元至正甲子僧洪淵明洪武二十一年僧禧

應繼修唐金舌和尚於終南山師德悟三年師令向中條

山栖焉唐睿宗勅瘞其骨爲建寺

國朝順治十一年重修

妙智寺在縣東倉窠村元大德八年建明洪武十四年僧良

才修

牛張寺在縣東堰頭金明昌二年僧文宣建明洪武十三年

僧竹寬修

彌勒寺在縣東中張村元僧良才建明洪武二十一年僧了

劉梅修

雲影寺在縣東谷村宋時僧普會建明洪武十八年僧普惠

修

永興寺在縣東窠頭村唐時建明洪武十七年僧妙福修

山西通志 卷一百一十一
大雲寺舊在北關明萬曆間遷於澗北吳山之麓
清和觀在縣西四十里元至元間建明萬曆間重建
國朝康熙年重修

隆禧觀在縣東關街北唐開元三年道士楊志和建元至正
四年道士馬恭道修明洪武十三年道士王若恭重修十
五年置道會司嘉靖四十一年重修併玉泉觀長生宮入

芮城縣

壽聖寺二一在城東北里餘內有浮圖十三級宋元豐元年
建元符二年修明洪武五年設僧會司弘治五年重修趙
錠記一在城南十里太安村宋治平三年詔諸寺無額者
院僧修蓋及三十間准勅存留仍得陳乞寺額僧自懷修

建如式熙寧二年詔名壽聖進士李本題額紹聖三年安
宗昌進士劉覺撰記

延慶寺在城外西南隅明正德九年僧淨銘建薛雄撰記

崇福寺在縣東北七里馬村金建明成化十二年修趙銑記

崇勝寺在城東北二十五里陌上村北周天和元年建

清涼寺在縣東北五十里坡頭峪底明正統乙丑沙門行全

重修

瑞峰寺在縣東北五十里嶺底村谷內有廣德泉李廣祠元

元貞二年僧瑞峰建因以名寺大德三年鑿山洞塑佛像

以李廣為寺護法神泰定二年立碑銘明弘治十五年僧

廣仙募修為清涼寺下院張錠撰記

回光院在縣東北二里廟下村元大德四年僧了悟建明成

化間重修弘治元年劉銓記

龍岩院在縣東北十五里水門村舊有楊林古寺金大定間

沙門福全募納錢百餘貫降勅牒賜名龍岩僧福澄又遷

建禪院有記

延生觀在縣西北隅明弘治己未建前殿嘉靖癸巳建後殿

乙卯冬十二月十二日夜圯丙戌冬重修

岱岳觀在縣東門外宋建明天順成化弘治間歷修張仲簡

記正德乙巳重修李澤記

玉京觀在縣東北三里元至元十八年道士薛志熙重修三

洞講經師賜紫金襴清真大師何志淵記

宗聖觀在縣東十里東張村元貞元元年建

樂全觀在縣西北二十五里水峪元進士河南卿從道創此

晉以居四川按察使杜思間記

紫清觀在縣西北二里唐名道靜院內有降生臺乃侯道華

降生地也唐咸通三年邑宰高元暮築并撰記

真常宮在縣東南七里柴村舊名澤清觀唐開元二年里人

果善重建元改今名皇慶二年住持提點崇真大師楊志

白德道人王演華重修蕭莪記明洪武間置道會司併太清

觀紫清二觀入焉

絳州

鐘樓寺在州內正平坊宋乾德元年建有塔明洪武間置僧

善正司

碧落寺唐五十三祀龍集敦牂李訓撰碧落天尊像記

西禪寺在州內正平坊元延祐間建

國朝康熙七年重修

普利寺在州內府君廟東明天順間建

善利寺在西關舊為汾陽洞明萬曆三十四年築基建寺知

州方立誠記

白水寺在州西南七里三林庄

佛窟寺在州南十里三家店宋嘉祐八年建元皇慶初重修

白蓮寺在州西二十里辛堡里金大定初建

淨梵寺在州西北二十里宋嘉祐八年建

甘露寺在州北二十五里九原山梁天監二年土遣朱明月

詣求甘露果得之因賜額元延祐三年重建

梁天監二年絳州隸魏與聞喜梁武廟胥備考

普化寺在州西北三十五里光馬村唐開元四年建

廣化寺在州東北木贊里隋開皇十一年建

正覺寺在陽王里唐貞觀初建進士靳杜有記

壽聖寺在蘇村里宋建隆二年建金史中和有記內金剛塑

像為河東冠云

超化寺在州西南榆村金大定初建

法銘寺在州西南蘇陽里金正隆四年建

巨燭禪院在西關明萬曆三十年僧福寧建

重陽觀在州西北四十里董村內有讀書堂文中子嘗隱此

觀麓有清廉洞

隋絳守陳叔達乃文中子門人高弟程元亦當為絳人

玉清宮在州城東北隅元至元年建舊名玉虛觀皇慶間賜

讀書堂焉宜也

王額明洪武間置道正司薛謙亨有記
元都萬壽宮在州西北正平坊元初建內有披雲真人宋德芳祠明嘉靖初毀

聞喜縣

福田寺在東關唐貞觀六年建一說漢武帝夢金人西來抱兒授帝遂驚寤適報生太子遂命築壇建廟至明帝復夢金人持弓矢求寸土爲居時佛始入中土因更廟爲寺曰法太子寺唐貞元六年重建名福田寺洪武間復舊額置僧會司

功德寺在南門外明嘉靖初僧可良募建

香山寺在縣東南五里官庄嶺乃唐裴晉公還帶地也明萬曆二十二年建上有晉文公祠

鐵牛峪寺在鐵牛峪西神僧餉兵處相傳唐太宗行軍至美陽鄉乏糧寺僧智旻以沙鍋煮飯餉軍胥獲飽及卽位勅建廣教寺以報之

廣教寺在縣南二十里寺頭村土人名沙渠寺相傳唐太宗勅建併鐵牛寺入焉

福田寺在城東唐貞元中建

保寧寺在東鎮唐開元六年建元至元間重修閻復記

誌公寺在南邱村今名黃花洞寺有古石佛碑刻記曰母邱氏僧四十人又縣侯村有梁武帝廟萬曆間孝子呂辛陵募重建歲久傾圮功德寺僧大智嘗靜修於此重修

寧國寺在同坑北嶺金貞元三年建

大覺寺在宋村金大定十年建

山西通志 卷一百一十一
栢岩寺在北張村金皇統元年建

洪教寺在長豐村元至元間建

慈雲寺在縣南鄉元至順三年建

嘉慶寺在藺家庄元至大三年建

景福寺在川口村元延祐二年建

普照禪院在呱底村唐永亨元年建

準提菴在北月城

國朝康熙間朱裴建

凝真觀在西關宋大中祥符七年建明洪武間置道會司一

名凝真萬壽宮今改東嶽廟

洞霞觀在晁村元至元三年建

養浩觀在冷泉村元已未年建

超然觀在中庄元泰定間建

長春觀在支村趙鳴鶴有記

太清觀在宋村金大定三年建

景雲宮在觀底村唐貞觀間建

興真宮在蘭德鎮唐貞觀間建

河津縣

豐巖寺在縣南隋開皇間建明時重修薛瑄撰碑

鐵佛寺在縣西南唐麟德中建明時毀後重建

覺成寺在城東里許宋天聖中建內有浮圖隋仁壽中造阿

育王藏佛舍利十九塔之一也至風雨夜塔頂輒有光歲

久毀

國朝康熙三十八年知縣吳寶林倡建自爲記

福聖寺在縣西北十里清澗村宋大中祥符中建

普照寺在縣東十五里黃村宋大觀間建

受聖寺在縣東南二十五里南陽村唐武德中建

雲中寺在縣西北二十五里龍門山頂元至正年修有塔高

出霞表所謂雲中烟寺也東有雲中城隋文中子登雲中
之城望龍門之關即此今存頽垣

大覺寺在縣南三十里暢村漢時建

法雲寺在縣北三十里南午芹村唐天寶七年重修明嘉靖

間地震圯重建清流翳林芹藻環周所謂午芹秋霽也元

段成巳有詩

國朝康熙二十二年猛水入渠殿廊多圯復募建

雲岩寺在縣北三十五里北午芹村金皇統間建

清涼寺二一在干澗林一在方平村金明昌間建

吉祥寺在縣西南三十五里衛村唐咸亨間建

大明寺在縣東北尹村唐貞元中建

千佛寺在郭村元至正間建

興化寺在樊村元至正間修

金山寺在光德村唐時建明永樂間修

興教寺在故鎮唐長慶間建

嘉祥寺在縣北方平村明正統間建

寶勝寺在縣東北僧樓里宋崇寧間修

大悲寺在東平遠村元至正間修

天慶觀在城東北一里宋景德中建有碑記明趙用光建培

風館於觀側自為記

列女觀在縣北三十里南午芹村元時建

元真觀在下亭村明永樂間修

翠微觀在縣東北尹村明永樂間修

承天觀在縣東北僧樓村明正統間建

長真觀在縣西北四十里西磴村元至正間建

興龍觀在武備寨元至正間建

朝天宮在縣治北姑射山

稷山縣

廣教寺在縣治東唐聖曆間名辨名開元間名感孝金皇統

元年重修明昌間造塔十三級高三十餘丈今寺廢

雨化寺在縣西北隅三靈觀後

國朝順治間建

佛閣寺一名清涼院在縣東北三里金皇統二年建元大德

間增修明洪武間併廣教彌陀大善三寺入焉置僧會司

國朝順治間知縣姚延啓修十三年知縣畢際有重修

青龍寺在縣西十里馬村唐龍朔二年建

佛峪寺在縣西北二十里有宋碑

大明寺在縣西北華峪村唐上元元年建明洪武初併顯明

崇慶瑞祥普照四寺入焉

嵐川寺在縣東北三十里馬壁峪寺後有泉

興化寺二一在縣西南三十里小甯村隋開皇十二年建一

在縣南五十里丈八村唐咸亨五年建內有開元時碑

黃龍寺在縣西北四十里紫金山峪王時濟記

崇化寺在白池村唐開元四年僧國興建金大定十五年僧

山西通志 卷一百一十一
智月重修

壽聖寺二一在塢堆村唐永昌間建明弘治萬曆繼修一在湖家庄宋治平間趙寺丞以守墳建

大善寺在高渠村元勅建內古栢一大七圍蔭可畝許欲伐輒有龍蛇雷雨之變明梁綱撰存栢記

潤國寺在小翟村唐貞觀二年建

坦然寺在小杜村元皇慶二年建

清華觀在縣東南隅古桃花庵遺址元至大二年道士喬志度改建

天真觀在縣西南隅元至大三年建段天章記

三靈觀在縣西北隅有記今廢

長春觀在縣治西元中統間建胡大有記今廢

靈虛觀在西郭外元時賜額尚存乃長春邱真人七大觀之一也

元兵踐蹂河南北尤甚崑崙邱處機使其徒持牒招求於戰伐之餘由是爲人奴者得復爲良與濱死而得更生者毋慮二三萬人中州人至今稱道之此絳州稷山諸地所以立觀也

道清觀在廉城村元延祐三年建明洪武間併三靈靈虛重

大陽三觀入焉

太虛觀在東庄村有碑

保真觀在縣東北元建明洪武間置道會司

洞神宮在縣北初名重陽觀元道人張志朴建郝毅記明嘉

靖四年重修

絳縣平重

興國寺在縣西南隅明嘉靖間建吉天來記
聖水寺在縣西南十里羊村元泰定間建卽聖水三泉也僧

大海林修東屯村古刹

太陽寺在岡底莊元泰定間建

太陰寺在縣東十五里張上村明萬曆間修

壽聖寺在縣東二十里鄭柴鎮隋開皇間建

洪福寺在縣東四十里倉封村元中統二年建明洪武間併

觀音福勝二寺入焉置僧會司

普照寺在范柴村金天眷間建

鐘樓寺在城東北宋乾德中建

金禪寺在北凡村宋紹興間建

永興禪寺在牛村東畔溝岩下爲朝陽洞元泰定間建

寶泉寺在槐泉村明嘉靖間建

淨土院在崔村

元清觀在東關元大德間建

九雲觀在陳村元延祐間建

長春觀在荆村元至正間建

雲溪觀在張村元至治間建

遇真觀在梅村元至正間建

玉泉觀二一在鄭柴東南一在賀水元至正間建

清都觀在大喬村元至正間建

太微宮在縣西街元至正間建

玉清宮在絳山西頂

山西通志 卷一百一十一 寺觀
北極臺在絳山絕頂

大垣曲縣

興國寺在縣西安民街北金大定二年僧福勝建元延祐二年修至正十五年重修進士宋克篤記明洪武間置僧會司景泰中萬曆九年繼修三十五年建坊天啓七年又修國朝順治十三年知縣秦樂德康熙三年知縣紀弘謨繼修青楊寺在柳庄村

開元寺在朱家庄知縣仝梧記

廣福寺在臯落鎮知縣趙乾清記

青龍寺在柴家庄

國朝康熙三年修

淨土寺二一在瞽塚鎮文皓記一在下王村

福亭寺在西北四十里平原村舊志名淨福寺都御史趙載

記

石磬寺在南王村內有石磬叩之聲聞里餘因名

雲川寺在縣西北七十里曹家山絳州靈邱王撰碑

焚香院在小趙村

洪慶觀在縣南一里中條山東舊名金闕院金大定間道士

呂道章居觀修養重修觀成仙去金貞祐末道士丁善淵

冲舉遺蛻葬觀北河南府教授翟雄飛勒石元延祐六年

金書勅賜今額明弘治十八年知縣安世賢修

國朝順治十七年知縣董爾性增修康熙四年知縣紀弘謨

對重修王紀楊帝培傅永弼胥有記

靖真觀在縣北二十五里元至元中建

明一統志至元中重修

山西通志 卷一百一十一 寺觀
清泉觀在盩頭山殿內有清濁二泉
棲神觀在塏坂村

開元觀在劉村

迎祥觀在瞽塚鎮宋時建

岫雲觀在迎駕寨

吉州

天寧寺在州南甘泉坊宋崇寧二年建明洪武間置僧正司
併安平柏山二寺入焉

開化寺在州西

佛閣寺在州南錦屏山麓

慈教寺在州東

永慶寺在文城

大像寺在同樂里

永齡寺在大天灣

白衣菴在州崇安門明知州黃光燁建

全陽觀在州北八里元大德九年建

紫微觀在波門里

鄉寧縣

昭遠寺在縣南一里唐龍朔三年建明洪武間置僧會司萬
曆十八年重修內有古柏四十圍旁有白雲洞

能仁寺在縣東十里

清涼寺在縣南二十里

西成佛寺在縣南七十里

靈巖寺在縣東八十里

蓮花寺在縣西九十里

聖壽院在城東北隅元皇慶元年建

北極觀在縣西門外天臺山明洪武間置道會司

翠微觀在縣西南七十里唐龍朔間建明洪武間併北極觀入焉

隰州

安國寺在州西宣和坊唐武德二年建初名龍紀宋至道元年改今額明洪武間置僧正司

聖境寺在南關釋大柄重修柄通大藏精醫術坐化寺中

天寧寺在城北一里舊名天王寺唐時建明季兵燹

國朝順治四年釋道興重修募造檀佛一千六十尊建層樓百尺殿宇數十楹僧舍百餘室康熙十年工竣知州張綏

國遠撰碑

觀音寺在城西二里元皇祐初建明萬曆七年修

國朝順治十六年侍郎李呈祥重修自爲記內有牡丹二高

聖塚樹

佛塔寺在州北十六里

興古寺在州西南三十里西古縣村

臥雲寺在州西北三十五里金大定元年建

石室寺在州北七十里沙樓山前有龍池後有龍泉禱雨輒

應明釋圓鏡修煉於此後化於平窰坡

國朝順治間重修緜西曲里元皇興古寺在州北九十里聖天山宋元符三年建明初併慈雲

興靈岩石寶三寺入焉里觀果朱前北嶽人立廟遊任岐

鄉寧寺在州北百五十里傳張果老游此鄉人立碑透玲如
興王寺在州北六十里望天山宋元符三年毀明初修
崇福寺在溫泉廢縣西曲里元初兵燹後寺獨存釋普資拓

建中統二年趙德元撰記

寶巖寺在陶化里內有石泉

靈巖寺在陶化里內有泉

普寧寺在中村里

石壑寺在土同里內有白蓮洞

聖佛寺在土同里澗畔有石洞內有仙人遺蛻

黃雲寺在土同里山高萬仞內有仙人石碁

千佛菴在北門外主人名小西天明崇禎己巳釋道亮建

國朝順治七年李呈祥撰記

煉陽菴在州南十里宋至道二年建

龍泉院在州東七十里紫荆山舊名普照寺唐初建久圯明

甲子釋悟昇住此掘故基得甕百餘上注宋元祐年月日

聖重修龍泉院記迺與徒真如募建正德二年刻碑鄭宣撰

崇記寺在州西二十里

千佛洞一在州北十里佛陀灣一在州北五十里神峪村

雲像以千計大佛座下有風洞

祈真觀在城內宣化坊金興定五年建邱長春修煉於此元

蒲河東廉使李文甫宿此有詩

雲峰觀在州北八里軍儀里宋至道二年建

迎真觀在州北八里宋至道二年建

崇陽觀在州南三十里

元都觀在州東五十里

安蒲縣在州北八里宋至道二年廢

勝果寺在縣東關里軍前里宋至道二年廢

龍興寺在縣北五里下軍村金太和二年建明洪武間併興

祇園清涼二寺入焉寺前有古寶泉

雲峰寺在翠屏山明季廢

國朝康熙五十一年重建

蒙古寺在縣西二十里薛關鎮

聖壽寺在縣西北四十里古縣村

準提菴一在西關一在洛陽村

棲雲閣在城西翠屏山久廢

朝元觀在縣北關元時建久廢

玉泉觀在縣北二十里返底村久廢

大寧縣

彌陀寺在縣西關東南隅元至治三年建明洪武間修置僧

會司併福勝寺入焉

大安寺在縣南翠微山麓

興隆寺在縣西石城村

筆峰寺在縣西南筆架山宋太祖勅建今廢

溫涼寺在縣西康里村

資聖寺在內史村西南

靈雲寺在安阜鎮

清涼寺在索提村北

步雲寺在上麻束村

山西通志 卷一百一十一 寺觀
禪峰寺在縣西北孔山之麓有禪峰洞相傳宋太祖避兵蜘蛛布網洞口兵至不見去卽位後勅建寺今廢

準提菴三一在龍泉山一在西門甕城內一在阜城寨胥國朝建

大清觀在縣東龍泉山金大定三年建

國朝順治間重修

興永和縣

興化寺在縣西南仙芝坊金明昌五年建明洪武間置僧會

司併朝陽丈八佛二寺入焉

朝陽寺在縣北十五里

保安寺在縣東三十里

大雲寺在縣東南四十里

吉祥寺在縣東北四十里

烏龍寺在縣西南四十五里烏龍山

普照寺在縣南五十里交口

望海寺在縣西六十里卽丈八佛寺

香巖寺在縣北七十里

龍巖寺在縣南九十里龍岩相傳宋太祖避亂巖洞後勅建寺有碑記有洪鐘高八尺圍一丈五尺厚六寸明時墜地數十人不克舉牧羊子立懸之遂入洞化焉村人塑像寺中

山西通志卷第一百一十一

中

樓十人不克舉外羊于立縹之數入而外高廿人徑於寺

寺傳縣信其巖高八尺圍一丈五尺其六寸即觀也

龍巖寺在縹南此十里龍巖寺即龍巖寺

香巖寺在縹北十里

望巖寺在縹西六十里順文入神寺

普照寺在縹南此十里交口

烏龍寺在縹西南四十里烏龍山

吉報寺在縹東北四十里



